

人壽金鑑

BJ

1548

C435

1875

V.3.









人壽金鑑卷第八

安東程得齡與九氏輯

十四歲

左傳曰逆周子

晉悼公周

於京師而立之生十四年矣

家語曰曾子十四歲嘗出薪於野有客至母以手搯其背曾子心動棄薪馳歸問母無恙乎母曰有客至故搯臂以呼汝耳

漢書曰金日磾字翁叔本匈奴休屠王太子也以父不降見殺與母閼氏弟倫俱沒入宮輸黃門養馬時年十四矣久之武帝游宴見馬

師古曰方於宴游之時而召閼諸馬

後宮滿側日磾等數十人牽馬過

殿下莫不竊視至日磾獨不敢日磾長八尺二寸容貌甚嚴馬又肥好上異而問之具以本狀對上奇焉即日賜湯沐衣冠拜爲馬監遷侍中駙馬都尉光祿大夫



後漢書曰黃憲字叔度汝南慎陽人世貧賤父爲牛醫潁川荀淑至慎陽遇憲於逆旅時年十四淑竦然異之揖與語移日不能去謂憲曰子吾之師表也

魏志曰夏侯惇字元讓沛國譙人夏侯嬰之後也年十四求師就學人有辱其師者惇殺之由是以烈氣聞

又曰鍾毓字稚叔年十四爲散騎侍郎機捷談笑有父風

又注曰曹純字子和年十四而喪父與同產兄仁別居承父業富於財僮僕人客以百數純綱紀督御不失其理鄉里咸以爲能

又曰任昭先名嘏樂安博昌人年十四始學疑不再問

又曰陶謙字恭祖丹陽人少孤始以不羈聞於縣中年十四猶綴帛爲幡乘竹馬而戲邑中兒童皆隨之故蒼梧太守同縣甘



公出遇之塗見其容貌異而呼之住車與語甚悅因許妻以女  
甘公夫人聞之怒曰妾聞陶家兒敖戲無度如何以女許之公  
曰彼有奇表長必大成遂妻之

又曰鍾會字士季十四誦成侯易記

吳志曰劉繇長子基字敬輿年十四居繇喪盡禮故吏餽餉皆  
無所受

又曰孫和字子孝慮弟也少以母王有寵見愛年十四爲置宮  
衛使中書令闕澤教以書藝好學下士甚見稱述

又曰胡綜字偉則汝南固始人也少孤母將避難江東孫策領  
會稽太守綜年十四爲門下循行畱吳與孫權共讀書

晉書曰王衍字夷甫年十四時在京師造僕射羊祜申陳事狀  
辭甚清辯祜名德貴重而衍幼年無屈下之色眾咸異之楊駿



言金卷八  
二  
欲以女妻焉衍耻之遂陽狂自免武帝聞其名問戎曰夷甫當世誰比戎曰未見其比當從古人中求耳

又曰王衍妻郭性貪鄙欲令婢路上擔糞澄年十四諫郭以爲不可

又曰王導字茂宏光祿大夫覽之孫也少有風鑒識量清遠年十四陳畱高士張公見而奇之謂其從兄敦曰此兒容貌志氣將相之器也

又曰趙至字景真年十四詣洛陽游太學遇嵇康於學寫石經徘徊視之不能去而請問姓名康曰年少何以問耶曰觀君鳳器非常所以問耳康異而告之

又曰夏方字文正會稽永興人家遭疫癘父母伯叔羣從死者十三人方年十四夜則號哭晝則負土十有七載葬送得畢



又曰桑虞年十四喪父毀瘠過禮日以米百粒用糝藜藿其姊諭之曰汝毀瘠如此必至滅性滅性不孝宜自抑割虞曰藜藿雜米足以勝哀

又載記曰劉聰字元明年十四究通經史兼綜百家之言孫吳兵法靡不誦之

宋書曰宗慤字元幹南陽人兄泌娶妻始入門夜被劫慤年十四挺身拒賊賊十餘人皆披散不得入室

又曰龔祈字孟道武陵漢壽人年十四鄉黨舉爲州迎西曹不行

齊書曰垣崇祖字敬遠下邳人年十四有幹略伯父豫州刺史護之謂門宗曰此兒必大成吾門汝等不及也

梁書曰謝舉字言揚中書令覽之弟也幼好學能清言與覽齊



名舉年十四嘗贈沈約詩爲約稱賞世人爲之語曰王有養炬  
謝有覽舉養炬王筠王泰小字也起家祕書郎

又曰王錫字公嘏琳之第二子也十四舉清茂除祕書郎與范  
陽張伯緒齊名俱爲太子舍人

又曰許懋字昭哲高陽新城人十四入太學受毛詩旦領師說  
晚而覆講

又曰劉孺字孝稚彭城安上里人年十四居父喪毀瘠骨立宗  
黨咸異之

又曰劉霽字士烜十四居父憂有至性每哭輒嘔血

又曰卞華字昭邱濟陰冤句人也晉驃騎將軍忠貞公壺六世  
孫父倫之給事中華幼孤貧好學年十四召補國子生通周易  
陳書曰吳明徹字通昭秦郡人也祖景安齊南譙太守父樹梁



右軍將軍明徹幼孤性至孝年十四感墳塋未備家貧無以取給乃勤力耕種時天下亢旱苗稼焦枯明徹哀憤每至田中號泣仰天自訴居數日有自田還者云苗已更生明徹疑之謂爲給已及往田所竟如其言秋而大穫足充葬用時有伊氏者善占墓謂其兄曰葬之日必有乘白馬逐鹿者來經墳所此是最小孝子大貴之徵至時果有此應明徹即樹之最小子也

又曰袁憲字德章時年十四被召爲國子正言生謁祭酒到漑漑目送之愛其神彩

又曰姚察字伯審吳興武康人也年七十四大業二年終于東都遺命薄葬務從率儉其略曰吾在梁世當時年十四就鍾山明慶寺尚禪師受菩薩戒自爾深悟苦空頗知回向矣

又曰謝貞字元正十四丁父艱號頓於地絕而復蘇者數矣



又曰司馬申字季和河內溫人也祖慧遠梁都水使者父元通梁尚書左民郎申蚤有風槩十四便善奕棋

又曰張譏字直言清河武城人年十四通孝經論語篤好元言受學於汝南周宏正每有新意爲先輩推服

又曰沈不害字孝和吳興武康人也祖總齊尚書祠部郎父懿梁邵陵王參軍不害幼孤而修立好學十四召補國子生舉明經累遷梁太學博士

南史曰劉孝綽字孝綽父繪齊時掌制誥孝綽時年十四常代草之父黨沈約任昉范雲等聞其名命駕造焉

魏書曰屈拔少好陰陽學世祖追思其父祖年十四以爲南部大人

又曰李騫字希義趙郡平棘人博涉經史文藻富盛年十四補



國子學生以聰達見知

又曰盧淵字伯源小名陽烏性溫雅寡欲有祖父之風敦尚學業閨門和睦襲侯爵年十四嘗詣長安將還諸相餞送者五十餘人別於渭北有相者扶風人王伯達曰諸君皆不如此盧郎雖位不副實然德聲甚盛望踰公輔

又曰劉昞字延明燉煌人年十四就博士郭瑀學時瑀弟子五百餘人通經業者八十餘有女始笄妙選良偶有心於昞遂別設一席於坐前謂諸弟子曰吾有一女年向成長欲覓一快女婿誰坐此席者吾當婚焉昞遂奮衣來坐神志肅然曰向聞先生欲求快女婿昞其人也瑀遂以女妻之

又曰李崇字繼長小名繼伯頓邱人也文成元皇后第二兄誕之子年十四召拜主文中散襲爵陳畱公鎮西大將軍



周書曰長孫澄字士亮十四從征討有策謀勇冠諸軍

又曰李賢字賢和年十四遭父喪撫訓諸弟友愛甚篤

又曰史雄字世武少勇敢膂力過人便弓馬有算略年十四從父寧於牽屯山奉迎太祖仍從校獵弓無虛發太祖歎異

又曰呂思禮東平壽張人也年十四受學於徐遵明長於論難諸生爲之語曰講書論易其鋒難敵

又曰蔡祐字承先年十四事母以孝聞

又曰泉仲遵少謹實涉獵經史十四爲本縣令

隋書曰蘇夔字伯尼年十四詣學與諸儒論議詞致可觀見者莫不稱善

又曰趙熒字賢通天水西人也年十四有人伐其父墓中樹者熒對之號慟因執送官見魏右僕射周惠達長揖不拜自述孤



苦涕泗交集惠達爲之隕涕歎息者久之

又曰柳雄亮字信誠父檜在華陽見害雄亮時年十四哀毀過禮陰有復讎之志

又曰高勣字敬德年十四爲青州刺史

又曰辛德源字孝基隴西狄道人也沈靜好學年十四解屬文又曰明克讓字宏道平原鬲人也年十四釋褐湘東王法曹參軍

又曰馮慈明字無佚信都長樂人也慈明在齊以戚屬之故年十四爲淮陽王開府參軍事

又曰孫萬壽字仙期信都武強人也年十四就阜城熊安生受五經略通大義兼博涉子史善屬文美談笑博陵李德林見而奇之



北史曰魏質字懷素年十四啟母求就徐遵明受業母以其年幼不許質遂密將一奴遠赴徐學畱書一紙置所卧牀内外見之相視悲歎

又曰長孫嵩代人也父仁昭成時爲南部大人嵩寬雅有器度昭成賜名焉年十四代父統事

又曰王慧龍太原晉陽人年十四爲沙門僧孫彬所匿因將過江津人見其行意匆匆疑爲王氏子孫彬稱爲受業者乃免又曰趙溫子炎字叔起初苻氏亂炎爲乳母攜奔壽春年十四乃歸孝心色養飪熟之節必親調之

唐書曰鄭善果鄭州滎澤人年十四爲沂州刺史

又曰岑文本字景仁鄧州棘陽人父之象仕隋爲邯鄲令坐爲人訟不得申文本年十四詣司隸理冤辨對哀暢無所訕衆屬



目命作蓮華賦文成合臺嗟賞遂得直

又曰齊澣字洗心定州義豐人年十四見特進李嶠嶠稱有王佐才

又曰裴寂字元真蒲州桑泉人年十四補郡主簿

又曰羅士信齊州厯城人隋大業時賊王薄左才相孟讓攻齊郡通守張須陁率兵擊賊士信以執衣年十四短而悍請自効須陁疑其不勝甲少之士信怒被重甲左右韃上馬顧眄須陁許之擊賊澠水上陣纔列執長矛馳入賊營刺殺數人取一級擲之承以矛戴而行賊皆疑懼無敢亢

又曰張道源并州祁人名河以字顯年十四居父喪士人賢其孝縣令郭湛署所居曰復禮鄉至孝里

又曰裴敬彝絳州聞喜人父智周補臨黃令爲下所訟敬彝年



十四詣巡察使唐臨直枉臨奇之試命作賦賦工父罪已釋表敬彝于朝補陳王府典籤

舊五代史曰霍彥威字子重洺州曲周人也梁將霍存得之於村落間年十四從征討存憐其爽邁養爲己子

又曰高劭字子將淮南節度使駢之從子也父泰黔中觀察使唐僖宗避敵在蜀駢鎮淮南爲都統兼諸道鹽鐵使兵賦在已朝廷優假之以故劭幸而蚤官年十四遙領華州刺史

宋史曰常安民字希古邛州人年十四入太學有俊名

又曰郭守文并州太原人父暉仕漢爲護聖軍使從周祖征河中戰死守文年十四居喪哀毀周祖憐之召隸帳下

又曰石保興字光裔本名保正太祖取興宗之義改之建隆初年十四以蔭補供奉官



又曰任諒字子諒眉山人年十四即冠鄉書登高第

又曰陳君仁父膏太府少卿君仁年十四而孤以廕授鉅山尉東都事略曰陳烈年十四繼失怙恃水漿不入口者五日

遼史曰蕭酬幹貌雄偉性和易年十四尚越國公主拜駙馬都尉

金史曰訛古乃治訶子姿質魁偉年十四隸秦王宗翰軍中常

領兵前爲偵候

案金國語解訛古乃犬之有文者

又曰紇石烈良弼本名婁室年十四爲北京教授生徒常二百

人時人爲之語曰前有谷神後有婁室

案金國語解姓氏紇石烈曰高

又曰曹望之字景蕭其先臨潢人遼季移家宣德天會間以秀民子選充女直字學生年十四業成除西京教授爲元帥府書令史



又曰元好問字裕之太原秀容人年十四從陵川郝晉卿學不事舉業淹貫經傳百家六年而業成

元史曰按竺邇雍古氏幼鞠于外祖术要甲家訛言爲趙家因姓趙氏年十四隸皇子察合台部嘗從大獵射獲數麋有二虎突出射之皆死由是以善射名皇子深器愛之

又曰曲律無子牙牙後封康國王生六子阿沙不花最賢年十四入侍世祖世祖錫土田給奴隸

又曰朶爾直班好讀書年十四見文宗適將幸上都親閱御衣命錄于簿顧左右無能書漢字者朶爾直班引筆書之文宗喜曰世臣之家乃能知學豈易得者命爲尚衣奉御尋授工部郎中

又曰石天麟字天瑞順州人年十四入見太宗因畱宿衛天麟



好學不倦於諸國書語無不習帝命中書令耶律楚材釐正庶務選賢能爲參佐天麟在選賜名蒙古台宗王征西域以天麟爲斷事官

又曰君祥小字雙叔福源第五子也年十四隨兄茶邱見世祖於上京帝悅命劉秉忠相之秉忠曰是兒目視不凡後必以功名顯但當致力於學耳令選師儒誨之

又曰德臣賜名田哥年十四侍太子游獵矢無虛發

又曰張惠字廷傑成都新繁人宋尚書右僕射商英之裔孫也其先徙居清河後徙蜀歲丙申惠年十四兵入蜀被俘至杭海居數年盡通諸國語丞相蒙速速愛而薦之入侍世祖藩邸以謹敏稱賜名兀魯忽訥特

又曰趙孟頫字子昂宋太祖秦王德芳之後也年十四用父蔭



補官試中吏部銓法調真州司戶參軍

又曰歐陽元字原功年十四益從宋故老習爲詞章下筆輒成章每試庠序輒占高等

明史曰趙時春字景仁平涼人年十四舉於鄉

又曰朱裳字公垂沙河人年十四爲諸生讀書黌舍躬執爨提學御史顧潛俾受學於崔銑登正德九年進士

又曰梅之煥字彬父麻城人年十四爲諸生御史行部閱武之煥騎馬突教場御史怒命與材官角射九發九中長揖上馬而去

又曰王偉字士英攸人年十四隨父謫戍宣府宣宗巡邊獻安邊頌命補保安州學生舉正統元年進士

又曰黃孔昭黃巖人初名曜後以字行改字世顯年十四遭父



母喪哀毀骨立舉天順四年進士

又曰歐陽東鳳字平仞潛江人年十四喪父哀毀骨立母病嘔血跪而食之舉於鄉縣令憫其貧遺以田二百畝謝不受

通鑑曰永明二年十一月丁亥武帝始以始興王鑑爲督益寧

諸軍事益州刺史徵顯達爲中護軍先是劫帥韓武方聚黨干

餘人斷流爲暴先悉薦翻郡縣不能禁鑑行至上明武方出降

降戶長史虞棕等咸請殺之棕但鑑曰殺之失信且無以勸善

乃啟臺而宥之於是巴西蠻夷爲寇暴者皆望風降附鑑時年

十四

文獻通考曰陳氏曰王安中年十四薦於鄉

黃山志曰宋鄧宗度十四歲作黃山雜詠桃花峯云劉阮辭世

塵桃花誰復主無計殢春風一夜零紅雨祥符寺云雲水最饒



處輪蹄無到時夜蟾生佛面春雪印僧眉

拾遺記曰任末年十四時學無常師負笈不遠險阻每言人而不學則何以成或依林木之下編茅爲菴削荆爲筆剋樹汁爲墨

酉陽雜俎曰武攸緒年十四潛于長安市賣卜一處不過五六日因徙升中岳遂隱居服赤箭茯苓貴人王公所遺鹿裘簾器土積塵羅棄而不用

太平御覽曰殷亮字子華年十四多所綜覽舉孝廉到陽城遇兩虎爭一羊亮乃按劍瞋目斬羊腹虎乃各以其半羊去

麟臺故事曰晏殊年十四特召試詩賦各一首乃賜進士出身語林曰孫策年十四詣袁術俄而外通劉豫州來孫便求去袁曰劉豫州何若答曰英雄忌人既出下東階而劉備從西階上



但得轉顧視孫足下行殆不復前矣

又曰方觀年十四喪母負土成墳廬其側

雪浪齋日記曰邢居實年十四賦明妃引子瞻見而稱之由是

知名

案明妃引云漢宮有女顏如玉淺畫愁眉遠山綠披香殿裏夜吹笙未央宮中朝理曲絳紗蒙籠雙蠟燭簫鼓聲傳

春漏促

玉輦三更別院歸夜深月照黃金屋金屋莓苔滿院無行迹

總爲君

王未相識天上天仙骨格別人間畫工畫不得媽然一笑金輿側玉貌三千斂顏色羅幃繡戶掩香風一朝返嫁單于

笑金輿

側玉貌三千斂顏色羅幃繡戶掩香風一朝返嫁單于

國金鳳

羅衣爲誰縷長袖彎弓不堪舞一別昭陽舊院花淚灑

胭脂作

紅雨回頭不見雲間關黃河半渡新冰滑馬蹄已踏遼

羯塵天

邊尚挂長門月黃沙不似長安道薄暮微雲映衰草胡

兒馬上

鳴笳綠鬢紅顏爲君老西風蕭蕭易水寒啼痕不斷

幾闌干

年年看盡南飛鴈一去天涯竟不還少年將軍健如虎

日夕撞

鐘槌大鼓寶刀生澀旌旗卷漢宮嫁盡嬋娟女寂寞邊

城日將

暮三尺角弓調白羽安得壯士霍嫖姚縛取呼韓作編

北夢瑣言曰唐僖宗朝翰林待詔滑能棋品甚高少逢敵手有  
一張小子年近十四來謁覓棋請饒一路滑生棋思甚遲沈吟



良久方下一子張生隨手應之都不介意仍於庭際取適候滑  
生更下又隨手著應之一旦黃冠犯闕僖宗幸蜀滑以待詔供  
職謀赴行在欲取金州路入辦裝挈家將行張生曰不必前邁  
某非棋客天帝命我取公著棋請指揮家事滑生驚愕妻子啜  
泣奄然而逝京師共知

浩然齋雅談曰李仁甫爲眉州解魁時第二人史堯弼字唐英  
方十四歲人疑其文未工也赴鹿鳴宴猶著粉紅袴太守命坐  
客分韻賦詩唐英得建字即席立成有云四歲尚少房元齡七  
步未饒曹子建後爲張魏公客

侯鯖錄曰王平甫十四歲有再題滕王閣詩其序云予始年十  
一時從親還里中道出洪州泊滕王閣下俯視山川之勝而求  
士大夫所畱之詩凡百餘篇自唐杜紫微外類皆世俗氣不足



矜愛乃作一章榜之西楹後三年客淮上思其幼時勇於述作不自意其非也輒改作一章以誌當時之事其舊者往往傳於江西今故併存之詩云地勢遠連徐孺亭窮南有客兩曾經簷前燕雀鳴相鬪潭裏蛟龍困未醒亂靄蒼茫侵樹色驚濤浩蕩失天形當時好景無同賞對此悲歌孰爲聽

四朝聞見錄曰震澤王蘋猶子誼年方十四歲於書塾拈紙作御批曰可斬秦檜以謝天下爲僕所持索千金王之父不能從族子謂之曰予金則返批批返而後別議僕罪千金可返也其父亦不能從僕遂持以告有司有司懼檜耳目不敢隱驛聞於朝詔赴廷尉獄具伏罪當誅檜閱其牘審知年十四翌日言之上上赦其幼編置象臺能詩文聚徒貶所

獻徵錄曰方孝孺年十四侍父北遊齊魯間觀周公孔子廟慨



然歎曰使我遊孔門顏閔縱未可幾及其餘若樊遲冉有輩豈讓之耶但世無孔子不得依歸耳

汝南先賢傳曰郭亮年十四始欲出學聞潁川杜周甫造門而師字焉

湧幢小品曰嘉靖甲子安福鄒潁泉督山東學得邢知吾侗曰異日當文明天下時邢方十四命讀書省之司衡堂

碧血錄曰繆西谿先生十四歲赴童子試縣令楚麻城劉公名

泰號鳳嶠  
辛未進士

見而賞之置一等曰是子幼乃具史筆

顏真卿碑記曰廉希詵年十四明經登第

權德輿故朝議郎行尚書倉部員外郎集賢院待制權府君墓誌銘曰公諱自挹字某年十四太學明經上第

趙孟頫五兄壙誌曰諱孟頫字景魯姓趙氏年十四以侍郎廕



補承務郎

明詩傳曰傅汝舟號丁戊山人年十四誦黃帝姚姁之書

十五歲

戰國策曰王孫賈年十五事閔王

又曰太后問舒祺年幾何矣左師公對曰十五歲矣

史記曰呂后本紀曰留侯子張辟疆爲侍中年十五

漢書曰萬石君石奮其父趙人也趙亡徙溫師古曰溫河內之縣高祖東

擊項籍過河內時奮年十五爲小吏侍高祖高祖與語愛其恭

敬問若何有師古曰若汝也有何戚屬對曰有母不幸失明家貧有姊能鼓

瑟高祖曰若能從我乎曰願盡力於是高祖召其姊爲美人以

奮爲中涓受書謁師古曰中涓官名主居中而涓潔者也外有書謁令奮受之也涓音蠲

又曰江都易王非以孝景前二年立爲汝南王吳楚反時非年



十五有材氣上書自請擊吳景帝賜非將軍印擊吳

又曰東方朔上書曰臣朔十五學擊劍

後漢書曰魯恭字仲康年十五與母及弟丕俱居太學習魯詩  
閉戶講誦絕人間事兄弟俱爲諸儒所稱

又曰趙憙字伯陽南陽宛人也少有節操從兄爲人所殺無子  
憙年十五常思報之乃挾兵結客遂往復仇而仇家皆疾病無  
相距者憙以因疾報殺非仁者心且釋之而去顧謂仇曰爾曹  
若健遠相避也仇皆臥自搏自搏猶叩頭也

又曰廉范字叔度京兆杜陵人父遭喪亂客死于蜀漢年十五

辭母西迎父喪蜀郡太守張穆丹之故吏乃重資送范范無所

受與客步負喪歸葭萌葭萌縣名屬廣漢郡今利州益昌縣即漢葭萌地也

又曰霍諝字叔智魏郡鄴人也少爲諸生明經有人誣諝舅宋



光於大將軍梁商者以爲妄刊章文坐繫洛陽詔獄掠考困極  
譖時年十五奏記於商曰將軍天覆厚恩愍舅光冤結前者溫  
教許爲平議雖未下吏斷決其事已蒙神明顧省之聽皇天后  
土實聞德音竊獨踴躍私自慶幸諝聞春秋之義原情定過赦  
事誅意故許止雖弑君而不罪趙盾以縱賊而見書此仲尼所  
以垂王法漢世所以遵前修也

又曰申屠蟠字子龍陳畱外黃人同郡緱氏女玉爲父報讎殺  
夫氏之黨吏執玉以告外黃令梁配配欲論殺玉蟠時年十五  
爲諸生進諫曰王之節義足以感無恥之孫激忍辱之子不遭  
明時尚當表旌況在清聽而不加哀矜配善其言乃爲讞得  
減死論鄉人稱美之

又曰臧洪字子源廣陵射陽人年十五以父功拜童子郎知名



太學

案洪父名昱平會稽妖賊許昭得功

又曰梁冀露李固屍于四衢令有敢臨者加其罪固弟子汝南

郭容年始成童

案注云成童年十五也

乃左提章鉞右秉鈇鉞詣闕上書

乞收固屍不許因往臨哭守喪不去南陽人董班亦殉屍不去

太后憐之乃聽歸葬

又曰陳蕃字仲舉汝南平輿人年十五嘗閒處一室而庭宇蕪穢父友同郡薛勤來候之謂蕃曰孺子何不灑掃以待賓客蕃曰大丈夫處世當掃除天下安事一室乎勤知其有清世志甚奇之

又曰彭修字子陽會稽毘陵人也年十五時父爲郡吏得休與修俱歸道爲盜所劫修因迫乃拔佩刀前持盜帥曰父辱子死卿不顧死邪盜相謂曰此童子義士也不宜逼之遂辭謝而去



鄉黨稱其名

又曰戴封字平仲濟北剛人也年十五詣太學師事鄧令東海申君

魏志曰溫恢字曼基太原祁人也父恕爲涿郡太守卒恢年十五送喪還歸鄉里內足於財恢曰世方亂安以富爲一朝盡散賑施宗族州里高之比之郇越

又注曰鍾會字士季十五入太學問四方奇文異訓

又曰管輅字公明平原人也父爲瑯琊即邱長年十五來至官舍讀書始讀詩論語及易本便開淵布筆辭義斐然於時覺上有遠方及國內諸生四百餘人皆服其才也

又曰胡康年十五以異才見送又陳損益求試劇縣詔特引見衆論翕然號爲神童詔付祕書使博覽異籍



吳志曰孫權字仲謀兄策既定諸郡時權年十五以爲陽羨長  
又曰凌統字公績吳郡餘杭人也年十五左右多稱述者權亦  
以其父操死國拜統別部司馬

又注曰顧雍族人悌字子通以孝悌廉正聞於鄉黨年十五爲  
郡吏除郎中

晉書曰王戎字濬冲琅邪臨沂人年十五隨父渾在郎舍戎少  
籍二十歲而籍與之交籍每適渾俄頃輒去過視戎良久然後  
出謂渾曰濬仲清爽非卿倫也共卿言不如共阿戎談

又曰王沈子浚字彭祖母趙氏婦良家女也貧賤出入沈家遂  
生浚沈初不之齒年十五沈薨無子親戚共立浚爲嗣拜駙馬  
都尉

又曰荀羨字令則年十五將尚尋陽公主羨不欲連婚帝室仍



遠遁去監司追不獲已乃出尚公主拜駙馬都尉

又曰庾龢字道季好學有文章叔父翼將遷襄陽龢年十五以書諫曰承進據襄陽耀威荆楚且田且戍漸臨河洛使向化之萌懷德而附凶愚之徒畏威反善太平之基便在于旦夕昔殷伐鬼方三年而剋樂生守齊遂至厯載今皇朝雖隆無有殷之盛凶羯雖衰猶醜類有徒而沔漢之水無萬仞之固方城雖峻無千尋之險加以運漕供繼有汭流之艱征夫勤役有勞來之歎若窮寇慮逼送死一決東西互出首尾俱進則廩糧有抄截之患遠略乏率然之勢進退維思不見其可此明闇所共見賢愚所共聞况于臨事者乎願迴師反旆詳擇全勝修城池立壘壁勤耕農練兵軍若凶運有極天亡此虜則可泛舟北濟方軌齊進水陸騁邁亦不踰旬朔矣願詳思遠猷算其可者翼甚奇



之

又載記曰劉聰年十五習擊刺猿臂善射彎弓三百斤膂力驍捷冠絕一時太原王渾見而悅之謂元海曰此兒吾所不能測也

宋書曰阮長之字茂景陳畱尉氏人年十五喪父有孝性哀感旁人

梁書曰袁昂字千里至元徽中聽還時年十五

又曰劉之遴字思貞年十五舉茂才對策沈約任昉見而異之又曰王承字安期年十五射策高第除祕書郎歷太子舍人

又曰吉玢字彥霄父爲吳興原鄉令爲姦吏所誣逮詣廷尉玢年十五搥登聞鼓乞代父命高祖異之勅廷尉卿蔡法度曰吉玢義誠可嘉但幼童未必自能造意卿可嚴加脅誘法度承勅



厲色問玠玠曰囚雖蒙弱豈不知死可畏憚顧不忍見父極刑欲殉身不測此非細故奈何受人教耶法度以聞高祖乃宥其父丹陽尹王志欲於歲首舉充純孝之選玠曰異哉王尹何量玠之薄乎父辱子死斯道固然若玠當此舉則是因父置名一何甚辱拒之而止

又曰蕭幾字德元年十五沈約見而奇之謂其舅蔡樽曰昨見賢甥楊平南誄文不減希逸之作

又曰荀匠字文師潁陰人也晉太保勛九世孫祖瓊年十五復父讎於成都市以孝聞

又曰韓懷明十五喪父幾至滅性負土成墳贈助無所受

又曰何炯字士光年十五從兄允受業一暮並通五經章句

又曰阮孝緒字士宗陳畱尉氏人也父彥之宋太尉從事中郎



孝緒十五冠而見其父彥之誠曰三加彌尊人倫之始宜思自  
勛以庇爾躬答曰願迹松子於瀛海追許由於穹谷庶保促生  
以免塵累自是屏居一室非定省未嘗出戶家人莫見其面親  
友因呼爲居士

陳書曰蕭乾字思惕十五舉明經釋褐東中郎湘東王法曹參  
軍

又曰周宏正字思行十五召補國子生仍於國學講周易諸生  
傳習其義以季春入學孟冬應舉學司以其日淺弗之許焉博  
士到洽議曰周郎年未弱冠便自講一經雖曰諸生實堪師表  
又曰陸從典字由儀十五本州舉秀才解褐著作佐郎轉太子  
舍人時後主賜僕射江總并其父瓊詩總命從典爲謝啟俄頃  
便就文華理暢總甚異焉



又曰杜之偉字子大十五遍觀文史及儀禮故事時輩稱其蚤成僕射徐勉嘗見其文重其有筆力

又曰徐伯陽字隱忍東海人年十五以文筆稱學春秋左氏家有史書所讀近三千餘卷

魏書曰陸凱字智君謹重好學年十五爲中書學生拜侍御中散

又曰長孫慮代人也母因飲酒其父眞誤以杖擊便即致死眞爲縣囚執處以重坐慮列辭尚書云父母忿爭本無餘惡直以謬誤一朝橫禍今母喪未殯父命旦夕慮兄弟五人並各幼稚慮身居長今年十五有一女弟始向四歲更相鞠養不能保全父若就刑交墜溝壑乞以身代老父命使嬰弱衆孤得蒙成立尚書奏云慮于父爲孝子于弟爲仁兄尋究情狀特可矜感高



祖詔特恕其父死罪以從遠流

北齊書曰崔瞻字彥通聰明強學有文情善容止神采巖然言不妄發年十五刺史高昂召署主簿清河公嶽辟爲開府西閣祭酒

又曰王紘字師羅年十五隨父在北豫州行臺侯景與人論掩衣法爲當左爲當右尚書敬顯儁曰孔子云微管仲吾其被髮左衽矣以此言之右衽爲是紘進曰國家龍飛朔野雄步中原五帝異儀三王殊制掩衣左右何足是非景奇其蚤慧賜以名馬

又曰魏收字伯起小字佛助鉅鹿下曲陽人也父子建字敬忠贈儀同定州刺史收年十五頗已屬文及隨父赴邊好習騎射欲以武藝自達滎陽鄭伯調之曰魏郎弄戟多少收慙遂折節



讀書

又曰李稚廉趙郡高邑人也齊州刺史義深之弟稚廉少而寡欲爲兒童時初不從家人有所求請家人嘗故以金寶授之終不取強付輒擲之於地州牧以其蒙稚而廉故名曰稚廉聰敏好學年十五頗尋覽五經章句

又曰宋世良字元友廣平人年十五便有膽氣應募從軍北討屢有戰功

又曰顏之推觀我生賦欲推心以厲物樹幼齒以先聲

注云中撫軍時

周書曰崔彥穆字彥穆清河東武城人年十五與河間邢子才京兆韋孝寬俱入中書學偏相友愛伏膺儒業爲時輩所稱又曰侯莫陳崇字尚樂代郡武川人父興殿中將軍羽林監崇



少驍勇善馳射謹愨少言年十五隨賀拔岳與尔朱榮征葛榮  
隋書曰李德林字公甫博陵安平人年十五誦五經及古今文  
集日數千言

又曰郎茂字蔚之年十五師事國子博士河間權會受詩易三  
禮及元象刑名之學

又曰許善心字務本高陽北新城人十五解屬文牋上父友徐  
陵大奇之謂人曰才調極高此神童也

又曰崔仲方字不齊博陵安平人也少好讀書有文武才幹年  
十五周太祖見而異之令與諸子同就學時高祖亦在其中由  
是與高祖少相款密

又曰周羅睺字公布九江尋陽人也年十五善騎射好鷹狗任  
俠放蕩收聚亡命陰習兵書從祖景彥誠之曰吾世恭謹汝獨



放縱難以保家若不喪身必將滅吾族羅暎終不改

又曰裴政字德表河東聞喜人也幼明敏博聞強記達於時政爲當時所稱年十五辟邵陵王府法曹參軍事

又曰張衡字建平河內人也幼懷志尚有骨鯁之風年十五詣太學受業研精覃思爲同輩所推

又曰史萬歲京兆杜陵人年十五值周齊戰於芒山萬歲時從父入軍旗鼓正相望萬歲令左右趣治裝急去俄而周師大敗其父由是奇之

又曰房彥謙字孝沖年十五出後叔父子貞事所繼母有踰本生

又曰達奚長儒字富仁代人也祖俟魏定州刺史父慶驃騎大將軍儀同三司長儒少懷節操膽烈過人年十五襲爵樂安公



又曰魏澹字彥深鉅鹿下曲陽人也年十五而孤專精好學博涉經史善屬文詞采贍逸齊博陵王濟聞其名引爲記室

北史曰秦王翰少有高氣年十五便請征伐昭成壯之

又曰咸陽王禧子樹年十五奔南未及富貴每見嵩山雲向南未嘗不引領唏噓

又曰樂運年十五而江陵滅隨例遷長安其親屬多被籍沒運積年爲人傭保皆贖免之

又曰孫叔俊年十五內侍左右性謹密初無過

又曰李苗出後叔父畎畎爲梁州刺史王足之伐蜀梁武命畎拒足於涪許其益州及足退梁武遂改授畎畎怒將有異圖事發被害苗年十五有報雪志

舊唐書曰權德輿字載之十五爲文數百篇編爲童蒙集十卷



名聲日大

唐書曰韓王元嘉字元嘉為潞州刺史年十五聞太妃病涕泣不食

又曰蘇烈字定方以字行父邕當隋季率里中數千人為本郡討賊定方驍悍有氣決年十五從父戰數先登陷陣

又曰李嶠字巨山趙州贊皇人十五通五經薛元超稱之

又曰孫逖博州武水人年十五見雍州長史崔日用令賦土火

爐援筆成篇理趣不凡日用駭歎遂與訂交

案冊府元龜亦載此

又曰元稹字微之十五擢明經判入等補校書郎

案白居易唐贈尚書右僕

射河南元公墓誌銘云公諱稹字微之十五明經及第

又曰王武俊字元英甫十五善騎射與張孝忠齊名

舊五代史曰李嗣恩本姓駱年十五能騎射

案歐陽史嗣恩本吐谷渾部人



五代史曰呂琦字輝山幽州安次人也父充爲橫海軍節度判官節度使劉守文與其弟守光以兵相攻守文敗死其吏民立其子延祚而事之以充爲謀主已而延祚又爲守光所敗充見殺守光怒充并族其家琦年十五見執將就刑充故客趙玉給其監者曰此吾弟也監者信之縱琦去玉與琦俱走琦弱不能行玉負而行逾數百里變姓名乞食于道以免

案舊史攷證厚德錄作琦年十四

宋史曰竇儀十五能屬文

又曰劉熙古字義滔宋州寧陵人年十五通易詩書

又曰賈黃中字媯民年十五舉進士授校書郎集賢校理

又曰宋綬字公垂趙州平棘人幼聰敏年十五召試中書具宗愛其文遷大理評事聽于祕閣讀書



又曰李師中字誠之楚邱人年十五上封事言時政

又曰孫磬字叔靜年十五遊太學蘇洵滕甫稱之

又曰趙汝談字履常生而穎悟年十五以大父恩補將仕郎登  
治熙十一年進士第

又曰魏了翁字華父邛州蒲江人年十五著韓愈論抑揚頓挫  
有作者風

又曰黃亢字清臣建州浦城人也年十五以文謁翰林學士章  
得象得象奇之遊錢塘以詩贈處士林逋逋尤激賞時王隨知  
杭州奏禁西湖爲放生池亢作詩數百言以奉士人爭傳之

又曰孫何字漢公蔡州汝陽人年十五善屬文篤學嗜古爲文  
必本經義在貴籍中甚有聲與丁謂齊名友善時輩號爲孫丁  
王禹偁尤推重之嘗作兩晉名臣贊宋詩二十篇春秋意尊儒



教儀聞於時

又曰倪濤字巨濟廣德軍人兕角能屬文博學強記年十五試太學第一遂擢進士調廬江尉信陽教授

又曰向子韶字和卿開封人年十五入太學

又曰黃友字龍友年十五入太學語同輩曰大丈夫不能爲國立功亦造化中贅物耳因投筆而遊邊帥劉法一見奇之延致門下

遼史曰韓延徽子德樞年甫十五太宗見之謂延徽曰是兒卿家之福朕國之寶真英物也

金史曰酬幹宗室子魁偉善戰年十五隸軍中多見任用

又曰麻吉銀术可之母弟也年十五隸軍中從破高麗

又曰昂本名奔睹景祖弟字黑之孫斜幹之子幼時侍太祖太



祖令數人兩兩角力時昂年十五太祖顧曰汝能此乎對曰有命敢不勉遂連仆六人太祖喜曰汝吾宗弟也自今勿遠左右居數日賜金牌令佩以侍

又曰按荅海又名阿魯綰宗雄次子也性端重不輕發有父之風年十五太祖賜以一品傘二十餘御毬場分朋擊毬連勝三算宗工舊老咸異之進呈所勝禮物按荅海爲班首太宗喜曰今日之勝此孫之力也賞之獨厚

又曰女奚烈守愚字仲晦父歿時年十五營葬如禮治家有法鄉人稱之

又曰石家奴蒲察部人自幼時撫養于太祖家及長太祖以女妻之年十五從攻寧江州敗遼主親軍攻臨潢府皆有功

又曰溫迪罕幹魯年十五居父喪不飲酒肉廬于墓側

案金國語解姓



氏溫迪罕曰溫

又曰神土懣本諸宗室贈銀青光祿大夫胡速魯改子也年十五事太宗爲左奉宸

元史曰祖許兒台年十五能馳射賊以勇略稱

又曰脫脫字大用生而岐嶷異於常見年十五爲皇太子怯憐口怯薛官

又曰賈居貞字仲明真定獲鹿人年十五汴京破奉母居天平又曰孟速思畏兀人幼有奇質年十五盡通本國書太祖聞之召至闕下一見大悅曰此兒目中有火他日可大用

又曰鄧文原字善之一字匪石縣州人父漳徙錢塘文原年十五通春秋在宋時以流寓試浙西轉運司魁四川士

又曰成遵字誼叔南陽穰縣人也年十五喪父家貧勤苦不廢



學問

又曰劉正字清卿清州人也年十五知讀書習吏事

又曰陳櫟字壽翁十五鄉人皆師之

又曰許楫字公度太原忻州人年十五以儒生中詞賦選河東宣撫司

明史曰黃輝字平倩一字昭素南充人博極羣書年十五舉鄉試第一

又曰王守仁字伯安年十五訪客居庸山海關時闌出塞縱觀山川形勝

又曰張邦奇字常甫鄞人年十五作易解及釋國語

又曰羅洪先字達夫吉水人年十五讀王守仁傳習錄好之欲往受業循不可而止乃師事同邑李中傳其學嘉靖八年舉進



士第一授修撰

又曰何景明字仲默宏治十一年舉於鄉年方十五宗藩貴人爭遣人負視所至聚觀若堵

又曰俞允文字仲蔚崑山人年十五爲馬鞍山賦援據該博

又曰祝萬齡咸寧人以父遠遊不歸年十五獨身訪求瀕死歷數千里卒得之

又曰瞿九思字睿夫黃梅人十五作定志論

十六國春秋前趙錄曰游子遠幼有姿貌聰亮好學年十五至洛陽張華見而奇之曰此兒雅潔洪方佳公子也

華陽國志曰祝龜字元靈年十五遠學汝穎及太學能屬文太守張府君奇之曰吾見海內士多矣無如祝龜者也

江寧府志曰劉蒼十五入武學篤志刻勵通書史



文中子曰夫子十五爲人師矣

案夫子謂文中子

說苑曰介子推行年十五而相荆仲尼聞之使人往視還曰廊下有二十五俊士堂上有二十五老人仲尼曰合二十五人之智智於湯武并二十五人之力力於彭祖以治天下其固免矣乎

三輔決錄曰孫萌字文始年十五能屬文

又曰韋康成字元將年十五爲郡主簿郡尹楊彪奇之曰韋主簿昂昂千里駒也

搜神記曰漢丁蘭河內野王人年十五喪母乃刻木作母事之供養如生鄰人有所借木母顏和則與不和則不與後鄰人忿蘭盜斫木母應刀血出蘭乃殯殮報仇宣帝嘉之拜中大夫會稽典錄曰夏香字曼卿永興人也年十五縣長葛君會客飲



人壽金鑑  
宴時郡遭大旱香進諫長即罷會身捐俸祿以贍飢民

神仙傳曰黃初平者丹溪人也年十五家使牧羊有道士見其良謹便將至金華山石室中四十餘年不復念家

孝子傳曰原穀有祖年老父母厭憎欲棄之穀年十五諫不聽作輿舁祖棄之于野穀隨收輿歸父曰汝何收此凶具穀曰他日父母老不能更作此具是以收之父感動乃載歸奉養

鄴侯外傳曰爲兒童時身輕能于屏風上立薰籠上行道者云十五歲必白日昇天一旦空中有異香之氣及音樂之聲李氏血屬必迎罵之

太平廣記曰白居易季庚之子十五志詩賦

北夢瑣言曰孫揆尚書少年不慧涕淚狼籍蒙然而已十五歲適然一變非唯時俊乃烈士也



廣州先賢傳曰董正年十五通毛詩三禮春秋

冊府元龜曰前燕慕容恪年十五身長八尺七寸容貌魁傑雄毅嚴重每所言及輒經綸世務號始異焉乃授之以兵

封氏見聞錄曰常敬忠年十五上書言能一過誦千言張燕公召問曰能十過誦萬言乎曰能以萬言試之七過已通達矣

萬柳溪邊舊話曰刺史公

諱棟

十五已閱萬卷矣

山房隨筆曰鄧元觀年十五領鄉薦登上第

山居新話曰高昌世傑班字彥時北庭文定王沙刺班大司徒之子爲尚輦奉御元統元年上新製洪禧小璽貯以金函青囊命世傑班掌之懸于項寘于袖中經年其母不知親友或叩之內廷之事則答以他說其慎密如此時年十五歲

溶溪雜記曰卓敬生年十五讀書寶香山風雨夜歸迷失道路



人言金卷ノ  
三一  
得一兕牛駝之歸比入門乃異虎也

庾子山年譜曰大通元年丁未信年十五侍梁東宮講讀賦云  
蘭成射策之年是也

司馬文正公年譜曰明道二年癸酉公年十五歲書無所不通  
文辭醇深有西漢風

山谷年譜曰嘉祐四年己亥先生年十五游學淮南

張說四門助教尹先生墓誌銘曰先生諱守貞十五誦三禮能  
明君臣父子之道定郊廟吉凶之制

李邕贈潤州刺史馬公墓誌銘曰公諱懷素字貞規十五徧誦  
詩禮騷雅能屬文有史力長史魚承曄特見器異

顏真卿送辛子序曰醇白之士隴西辛晃十五而志學克明

獨孤及唐故左補闕安定皇甫公集序曰補闕諱冉字茂政十



五歲而老成

又唐故浙東道節度掌書記越州剡縣主簿獨孤丕墓誌曰丕字山甫年十五能屬文祖述典謨實而不華有古人風采

李白與韓荊州書曰十五好劍術徧干諸侯

梁肅房正字墓誌銘曰河南房君諱凜字敬叔十五能屬文

張舜民游公墓誌銘曰公諱師雄字景叔姓游氏年十五入京兆學益自刻勵蚤莫不少休同舍生始多少之已而攷行試藝屢居上列人畏敬無敢抗其鋒

紫微詩話曰楊念三丈道孚克一呂氏重甥張公文潛之甥也少有才思爲舅所知年十五時在鄂渚作詩云洞庭無風時上下皆明月微波不敢興甚靜蛟蜃穴

江西詩話曰危拱辰字輝卿南城人十五歲題初月云未審初



人壽金鑑卷第八  
三夜嫦娥怨阿誰懶開十分鏡祇畫一邊眉  
杜甫送李校書詩曰李舟名父子十五富文史  
又詩曰憶年十五心尚孩健如黃犢走復來

人壽金鑑卷第八



人壽金鑑卷第九

安東程得齡與九氏輯

十六歲

漢書曰東方朔上書曰臣朔年十六學詩書誦二十二萬言

後漢書曰張堪字君游南陽宛人也蚤孤讓先父餘財數百萬與兄子年十六受業長安志美行厲諸儒號曰聖童世祖微時見堪志操常嘉焉

又曰吳祐以光祿四行

漢官儀曰四行敦厚質樸遜讓節儉也

遷膠東侯相時濟

北戴宏父爲縣丞宏年十六從在丞舍祐每行園常聞諷誦之音奇而厚之亦與爲友

又曰山陽張儉爲中常侍侯覽所怨覽爲刊

刊削也謂削告人姓名

章下

州郡以名捕儉儉與融兄褒有舊亡抵於褒不遇時孔融年十



六儉少之而不告融見其有窘色謂曰兄雖在外吾獨不能爲

君主邪因畱舍之

舍止也

又曰馬續字季則十六治詩博觀羣籍善九章算術

又曰戴憑字次仲汝南平輿人也習京氏易年十六郡舉明經徵試博士拜郎中時詔公卿大會羣臣皆就席憑獨立光武問其意憑對曰博士說經皆不如臣而坐居臣上是以不得就席帝即召上殿令與諸儒難說憑多所解釋帝善之拜爲侍中

又曰周防字偉公汝南汝陽人年十六仕郡小吏世祖巡狩汝南召掾史試經防尤能誦讀拜爲守丞

魏志曰管寧字幼安北海朱虛人也年十六喪父中表愍其孤貧咸共贈贈悉辭不受稱財以送終

又曰張旣字德容馮翊高陵人也年十六爲郡小吏



又注曰夏侯稱字叔權年十六夏侯淵與之田見奔虎稱驅馬逐之禁之不可一箭而倒名聞太祖太祖把其手喜曰我得汝矣與文帝爲布衣之交每譙會氣陵一坐辯士不能屈世之高名者多從之游

吳志曰孫翊字叔弼權弟也驍悍果烈有兄策風建安八年以偏將軍領丹陽太守時年十六

又注曰虞翻第四子汜最知名汜字世洪生南海年十六父卒還鄉里孫綝廢幼主迎立瑯琊王休休未至綝欲入宮圖爲不軌召百官會議皆惶怖失色徒唯唯而已汜對曰明公爲國伊周處將相之位擅廢立之威勢上安宗廟下惠百姓大小踴躍自以伊霍復見今迎王未至而欲入宮如是羣下搖蕩衆聽疑惑非所以永終忠孝揚名後世也



晉書曰吳尚書廣陵閔鴻舉陸雲賢良時年十六

又曰安帝旣冠會稽王道子稽首歸政王國寶始總國權勢傾朝廷王恭乃舉兵討之道子懼收國寶付廷尉並其從弟琅邪內史緒悉斬之以謝于恭恭即罷兵道子世子元顯時年十六爲侍中心惡恭請道子討之

又曰庾亮字元規年十六東海王越辟爲掾不就隨父在會稽嶷然自守時人皆憚其方嚴莫敢造之

又曰趙至字景真年十六游鄴復與嵇康相遇康每曰卿頭小而銳童子白黑分明有白起之風矣

宋書曰王微字景元琅邪臨沂人少好學無不通覽善屬文年十六州舉秀才衡陽王義季右軍參軍竝不就

梁書曰任昉字彥昇蚤知名宋丹陽尹劉秉辟爲主簿時昉年



十六以氣忤秉子久之爲奉朝請兗州秀才拜太常博士

又曰馮道根字巨基廣平鄆人也年十六鄉人蔡道斑爲湖陽戍主道斑攻蠻錫城反爲蠻所困道根救之匹馬轉戰殺傷甚多道斑以免由是知名

又曰王訓字懷範暕子也年十六召見文德殿應對爽徹上目送久之顧謂朱异曰可謂相門有相矣

又曰王筠字元禮一字德柔年十六爲芍藥賦甚美

陳書曰韓子高會稽山陰人也家本微賤侯景之亂寓在京都景平文帝出守吳興子高年十六爲總角容貌美麗狀似婦人於淮渚附部伍寄載欲還鄉文帝見而問之曰能事我乎子高許諾子高本名蠻子文帝改名之

又曰岑之敬字思禮年十六策春秋左氏制旨孝經義擢爲高



第

南史曰張率字士簡性寬雅年十六向作詩二千餘首有虞訥者見而詆之率乃一旦焚毀更爲詩示焉託云沈約訥優句句嗟稱無字不善率曰此吾作也訥慙而退

又曰劉覽字孝智十六通老易位中書郎以所生母憂廬于墓常再晷不嘗鹽酪食麥粥而已隆冬止著單布衣家人慮不勝喪中夜竊置炭於牀下覽因暖得寐及覺知之號慟歐血梁武帝聞其至性數使省視服闋除尚書左丞

又曰阮孝緒字士宗十六喪父不服絲纊雖蔬有味亦吐之北齊書曰李鉉字寶鼎年十六從浮陽李周仁受毛詩尚書章武劉子猛受禮記常山房虬受周官儀禮漁陽鮮于靈馥受左氏春秋鉉以鄉里無可師者遂與州里楊元懿河間宗惠振等



結侶諧大儒徐遵明受業

又曰裴讓之字士禮年十六喪父殆不勝哀其母辛氏泣撫之曰棄我滅性得爲孝子乎由是自勉

周書曰宇文孝伯字胡三吏部安化公深之子也長與高祖同學武成元年拜宗師上士時年十六

又曰齊煬王憲字毗賀突太祖第五子也武成初除益州總管進封齊國公初平蜀之後文帝以其形勝之地不欲使宿將居之諸子中欲有推擇徧問武帝以下誰欲此行並未及對而憲先請文帝曰刺史當撫眾臨人非爾所及以年授者當歸爾兄憲曰才用殊不關大小試而無效甘受面欺文帝以憲年幼未之遣明帝追遵先旨故有此授時年十六

又曰張元字孝始年十六其祖喪明因讀藥師經盲者得視之



言遂請七僧燃七燈七日七夜轉藥師經其夜夢一老公以金  
錐治其祖目居三日祖目果明

隋書曰盧思道字子行範陽人聰爽俊辯通悅不羈年十六遇  
中山劉松松爲人作碑銘以示思道思道讀之多所不解於是  
感激閉戶讀書師事河間邢子才

又曰游元字楚客廣平任城人少聰敏年十六齊司徒徐顯秀  
引爲參軍事

又曰楊慶字伯悅河間人也美姿儀性辯慧年十六齊國子博  
士徐遵明見而異之

又曰崔儵字岐叔清河武城人年十六太守請爲功曹不就  
北史曰河南王曜長子提襲爵驍烈有父風改封潁川王迎昭  
儀于塞北時年十六有夙成之量殊域敬焉



又曰任城王澄庶長子順十六通杜氏春秋下帷讀書篤志愛古

又曰游明根字志遠雅從祖弟也明根幼年遭亂爲櫟陽王氏奴主使牧羊明根以漿壺倩人書字路邊書地學之長安鎮將竇瑾見之呼問知其姓名乃告游雅雅使人贖之教書年十六辭雅歸鄉里於白渠坎爲窟讀書積歲雅稱薦之太武擢爲中書學生

又曰陸彰字明遠本名士沈年十六出後從父昕之事公主盡禮

又曰蕭寶夤北奔任城王澄以車馬侍衛迎之時年十六徒步憔悴見者以爲略賣生口也

又曰劉芳北徙爲平齊人時年十六



唐書曰杜伏威少豪蕩不治生貲與里人輔公祐約刎頸交公祐數盜姑家牧羊以餽伏威縣迹捕急乃相與亡命爲盜時年十六伏威狡譎多算每剽劫衆用其策皆效

又曰哥舒翰有奴曰左車年十六以膂力聞

案太平廣記作十五

又曰郭震字元振魏州貴鄉人以字顯年十六與薛稷趙彥昭同爲太學生家嘗送貲錢四十萬會有縗服者叩門自言五世未葬願假以治喪元振舉與之無少吝一不質名氏稷等歎駭又曰席豫字建侯襄州襄陽人後周昌州刺史固七世孫後徙河南長安中舉學兼流略詞擅文場科擢上第年十六又曰王敬武青州人進檢校太尉同中書門下平章事龍紀元年卒子師範年十六自稱畱後嗣領軍

又曰顏春卿倜儻美姿儀通當世務年十六舉明經拔萃高第



又曰任敬臣字希古年十六刺史崔樞欲舉秀才自以學未廣  
遜去

又曰張志和字子同婺州金華人始名龜齡年十六擢明經以  
策干肅宗特見賞重命待詔翰林授左金吾衛錄事參軍因賜  
名

案顏真卿浪跡先生元真子張志和  
碑云志和本名龜齡肅宗改名志和

舊五代史曰盧質字子徵河南人也幼聰慧善屬文年十六陝  
帥王重盈奏授芮城令

又曰王思同幽州人也父敬柔歷瀛平儒檀營五州刺史思同  
母即劉仁恭之女也故思同初事仁恭為帳下軍校會劉守光  
攻仁恭于大安山思同以部下兵歸太原時年十六武皇命為  
飛騰指揮使

案歐陽史作銀  
胡鞞指揮使

五代史曰李周字通理邢州內邱人年十六為內邱捕賊將以



勇聞是時梁晉兵爭山東羣盜充斥道路行者必以兵衛內邱人盧岳將徙家太原舍逆旅徬徨不敢進周意憐之爲送至西山有盜從林中射岳中其馬周大呼曰吾在此孰敢爾耶盜聞其聲曰此李周也因各潰去周送岳至太原岳謂之曰吾少學星厯且工相人子方頤隆準睂目疎徹身長七尺真將相也宋史曰陳希亮字公弼年十六將從師其兄難之使治息錢三十餘萬公悉召取錢者焚其券而去學成乃召其兄之子庸諭使學遂與俱中天聖八年進士第里人表其閭曰三雋坊又曰高防字脩已父從慶戍天井關與梁軍戰死防年十六護柩以歸事母孝好學善爲詩

又曰馬仁瑀大名夏津人漢乾祐中周祖鎮鄴仁瑀年十六願隸帳下周祖素聞其勇旣見甚喜畱置左右



又曰張凝滄州無棣人咸平初契丹南侵凝率所部兵設伏於瀛州西出其不意腹背奮擊挺身陷敵凝子昭遠年十六從行即單騎疾呼突入陣中掖凝出左右披靡不敢動

又曰王博文字仲明年十六善屬文舉進士開封府以回文詩百篇爲公卷人謂之王回文

又曰楊澈字晏如楊徽之宗人也世家建陽父思進晉天福中北渡海因家於青州之北海累佐使幕澈年十六思進爲鎮趙從事會昭慶令缺使府命澈假其任時河決鄰郡府督役甚急澈部徒數千徑大澤中多蘆葦令采刈爲筏順流而下旣至執事者訝以後期俄而葦筏繼至駭而問之澈以狀對乃更嗟賞又曰盧革字仲辛少舉童子知杭州馬亮見所爲詩嗟異之秋貢士密戒主司勿遺革革聞語人曰以私得薦吾恥之去弗就



後二年遂首選至登第年才十六

又曰趙振子珣工騎射年十六仁宗召試便殿授三班借職

又曰張俊字伯英鳳翔府成紀縣人好騎射負才氣年十六爲三陽弓箭手

又曰張孝祥字安國歷陽烏江人年十六領鄉書

案張孝祥于湖殘藁年十

六時題定山寺云蹇驢夜入定山寺古屋貯月松風清正聞挂塔一鈴語不見撞鐘千指迎

又曰黃度壻周南字南仲年十六游學吳下視時人業科舉心陋之從葉適講學頓悟捷得爲文詞雅麗精切而皆達於時用每以世道興廢爲已任

又曰和峴字晦仁十六登朝爲著作郎

又曰陳師道字履常一字無已彭城人少好學苦志年十六蚤以文謁曾鞏一見奇其文許其以文著時人未之知也畱受業



又曰邢神畱深州陸澤人父超逋官租里胥督租與超鬪超毆里胥死神畱年十六詣吏求代父死州以聞特詔減死賜里胥家萬錢爲棺斂具

又曰陳宗年十六母蔡病篤刲股爲餌

遼史曰耶律阿息保字特里年十六以才幹補內史

金史曰勛字勉道本名烏野穆宗第五子好學問國人呼爲秀才年十六從太祖攻寧江州從宗望襲遼主于石輦鐸

又曰特進撻懶宗室子年十六事太祖未嘗去左右出河店之役太祖欲親戰撻懶控其馬而止之曰主君何爲輕敵臣請效力即挺槍前手殺七人已而槍折騎士曳而下者九人太祖壯之曰誠得此輩數十雖萬眾不能當也

又曰宗憲本名阿懶頒行女直字書年十六選入學太宗幸學



宗憲與諸生俱謁宗憲進止恂雅太祖召至前令誦所習語音清亮善應對侍臣奏曰此左副元帥宗翰弟也上嗟賞久之

又曰穀英本名撻懶幼警敏有志膽初壯角太祖見而奇之年十六父銀朮可授以甲使從伐遼常爲先鋒

又曰僕散渾坦蒲與路挾懣人也身長七尺勇健有力善騎射

年十六從其父沒速征伐

案金國語解姓氏僕散曰林

又曰僕散忠義本名烏者上京拔盧古河人年十六領本謀克

兵從宗輔定陝西行間射中宋大將宋兵遂潰由是知名

元史文宗紀曰中書省臣言近籍沒欽察家其子年十六請令與其母同居

又列傳曰博爾忽許兀慎氏事太祖爲第一千戶歿于敵子脫歡襲職從憲宗四征不庭有拓地功子失里門鎮徼外從征六



詔等城亦歿于兵子目赤察兒性仁厚勤儉事母以孝聞資貌英偉望之如神世祖雅聞其賢且閔其父之死年十六召見帝見其容止端重奏對詳明喜而謂曰失烈門有子矣即命領四怯薛太官

又曰博羅歡年十六爲本部斷事官從世祖討阿里不哥數有功帝喜而賜馬四十匹金幣稱之

又曰撒里蠻年十六從世祖討阿里不哥戰於失門禿有功賜號拔都兒賞賚尤厚授光祿少卿

又曰岳璘帖穆爾回鶻人畏兀國相噉欲谷之裔也其兄叱理伽普華年十六襲國相荅刺罕

又曰高智耀子睿資稟直亮智耀之北使也攜之以行及卒帝問其子安在近臣以睿見時年十六授符寶郎出入禁闥恭謹



祥雅

又曰不忽木一名時用字用臣受學於國子祭酒許衡日記數千言衡每稱之以爲有公輔器世祖嘗欲觀國子所書字不忽木年十六獨書貞觀政要數十事以進帝知其寓規諫意嘉歎久之衡纂歷代帝王名諡統系歲年爲書授諸生不忽木讀數過即成誦帝召試不遺一字

又曰李昶字士都東平須城人三赴廷試不第推恩授彭城簿志壹鬱不樂遂復求試一夕夢在李彥榜下及第閱計偕之士無之時昶年十六已能爲程文乃更其名曰彥興定二年廷試昶果以春秋中第二甲第二人

又曰賀勝仁傑子也字貞卿一字舉安小字伯顏以小字行嘗從許衡學通經傳大義年十六入宿衛凝重寡言世祖甚器重



之大臣有密奏輒屏左右獨畱勝許聽之出則參乘輿入則侍帷幄非休沐不得至家

又曰元臣別名哈刺哈孫年十六入宿衛應對進止有度世祖謂丞相和魯火孫曰此勲臣子非凡器也以爲怯薛必闍赤襲千戶

又曰董文炳字彥明俊之長子也父歿時年十六率諸幼弟事母李夫人有賢行治家嚴篤於教子文炳師侍其先生警敏善記誦自幼儼如成人

又曰李德輝字仲實年十六監酒豐州祿食充足甘旨有餘則市筆札錄書夜誦不休已乃厭糟麴歎曰志士顧安此耶

又曰郝彬霸州信安人也世祖初年十六充太子宿衛擢揚州路治中



又曰張珪年十六攝管軍萬戶

明史曰高叔嗣字子業祥符人年十六作申情賦幾萬言見者驚異

又曰王鏊字濟之年十六隨父讀書國子監諸生爭傳誦其文侍郎葉盛提學御史陳選奇之稱爲天下士

又曰文徵明長洲人初名璧以字行更字徵仲別號衡山父林溫州知府卒吏民醵千金爲賻徵明年十六悉却之吏民修故却金亭以配前守何文淵而記其事

又曰謝榛字茂秦臨清人眇一目年十六作樂府商調少年爭歌之

又曰袁宏道字中郎公安人年十六爲諸生即結社城南爲之長間爲詩歌古文有聲里中



又曰傅檣字定濟泉州南安人祖凱父浚竝進士爲部郎檣年十六舉鄉試

又曰鄧愈虹人初名友德年甫十六每戰必先登陷陣軍中咸服其勇

又曰孟化鯉字叔龍河南新安人年十六慨然以聖賢自期

又曰周琬江寧人洪武時父爲滁州牧坐罪論死琬年十六叩闕請代帝疑受人教命斬之琬顏色不變帝異之命宥父死謫戍邊琬復請曰戍與斬均死耳父死子安用生爲願就死以贖父戍帝復怒命縛赴市曹琬色甚喜帝察其誠即赦之親題御屏曰孝子周琬

孔叢子曰子思年十六適宋宋大夫樂朔與之言學焉朔曰尚書虞夏數篇善也下此以訖於秦費效堯舜之言耳殊不如也



耆舊續聞曰張文定公年十六發解入京

蓬軒吳紀曰臨川饒介之在吳慕高季迪才名召之至再強而後往命題倪雲林竹木圖且以木絲曲爲韻季迪即吟曰主人原非段干木一瓢倒瀉瀟湘綠踰垣爲惜酒在樽飲餘自鼓無弦曲饒大驚異厚禮之因勸之仕季迪笑而不答時年才十六寇萊公遺事曰公諱準字平仲華州人太宗幸魏公年十六以父陷蕃上書行在辭色激昂舉止無畏上壯之命有司記姓名窺天外乘曰華州王庭詩年十六中鄉舉

兼葭堂雜鈔曰太保費文憲公年十六領癸卯鄉薦

李義山樊南甲集序曰樊南生十六能著才論聖論以古文出諸公間

東坡集曰狄武襄公者本農家子年十六時其兄素與里人號



鐵羅漢者鬪於水濱至溺沒之保伍方縛素青適餉田見之曰  
殺羅漢者我也人皆釋素而縛青青曰我不逃死然待我救羅  
漢庶幾復活若決死者縛我未晚也眾從之青默祝曰我若貴  
羅漢當蘇乃舉其尸出水數斗而活人咸異之

陸放翁詩曰我年十六遊名場靈芝借榻棲僧廊

### 十七歲

左傳曰我先君文公狐季姬之子也有寵于獻好學而不貳生  
十七年有士五人

國語曰晉公子生十七年而亡

亡奔也

卿材三人從之可謂賢矣

漢書曰枚乘字叔淮陰人也擘子臯臯字少孺乘在梁時取臯  
母爲小妻乘之東歸也臯母不肯隨乘乘怒分臯數千錢畱與  
母居年十七上書梁恭王

師古曰恭王名買孝王之子也得召爲郎



後漢書曰王昌一名郎趙國邯鄲人也初王莽僭位長安中或自稱成帝子子輿者莽殺之郎緣是詐稱真子輿云十七到丹陽

又曰歐陽歙在郡教授數百人視事九歲徵爲大司徒坐在汝南臧罪千餘萬發覺下獄諸生守闕爲歙求哀者千餘人至有自髡剔者平原禮震年十七聞獄當斷馳之京師行到河內獲嘉縣自繫上書求代歙死曰伏見臣師大司徒歐陽歙學爲儒宗八世博士而以臧咎當伏重辜歙門單子幼未能傳學身死之後永爲廢絕上令陛下獲殺賢之譏下使學者喪師資之益乞殺身以代歙命

謝承書曰劉表受學於同郡王暢暢爲南陽太守行過乎儉表時年十七進諫曰奢不僭上儉不逼下蓋中庸之道是故遽伯



王恥獨爲君子府君若不師孔聖之明訓而慕夷齊之末操無乃皎然自移於世暢答曰以約失之者鮮矣且以矯俗也

魏志曰王粲字仲宣山陽高平人也年十七司徒辟詔除黃門侍郎以西京擾亂皆不就乃之荊州依劉表

又曰王基字伯輿東萊曲城人也少孤與叔父翁居翁撫養甚篤基亦以孝稱年十七郡召爲吏非其好也遂去入琅邪界游學

又曰楊俊避地并州本郡王象少孤特爲人僕隸年十七入見使牧羊而私讀書因被箠楚俊嘉其才質即贖象

蜀志曰諸葛瞻字思遠年十七尚公主拜騎都尉

吳志曰孫堅字文臺吳郡富春人蓋孫武之後也少爲縣吏年十七與父共載船至錢唐會海賊胡玉等從匏里上掠取賈人



人壽金鑑卷九  
財物方於岸上分之行旅皆住船不敢進堅謂父曰此賊可擊請討之父曰非爾所圖也堅行操刀上岸以手東西指麾若分部人兵以邏遮賊狀賊望見以爲官兵捕之即委財物散走堅追斬得一級以還父大驚由是顯聞

又曰孫韶字公禮年十七收河餘眾繕治京城起樓櫓修器備以禦敵

又注曰孫策上表謝曰臣年十七喪失所怙懼有不任堂構之鄙以忝析薪之戒

晉書曰鄭袤字叔林滎陽開封人也袤少孤隨叔父渾避難江東時華歆爲豫章太守渾往依之歆與泰善撫養袤如己子年十七乃還鄉里

又曰溫嶠字太真司徒羨弟之子也父愴河東太守年十七州



郡辟召皆不就

又曰魯芝字世英扶風郿人也世有名德爲西州豪族父爲郿  
汜所害芝襁褓流離年十七乃移居雍耽思墳籍郡舉上計吏  
州辟別駕魏車騎將軍郭淮爲雍州刺史深敬重之舉孝廉除  
郎中

又曰姚襄字景國年十七身長八尺五寸臂垂過膝雄武多才  
藝明察善撫納士衆愛敬之

宋書曰王懿字仲德太原祁人自言漢司徒允弟幽州刺史懋  
七世孫也祖宏事石季龍父苗事苻堅皆爲二千石仲德少沈  
審有意略通陰陽解聲律苻氏之敗仲德年十七與兄叡同起  
義兵與慕容垂戰敗仲德被重創走與家屬相失路經大澤不  
能前困卧林中忽有青衣童兒騎牛行見仲德問曰食未仲德



告飢兒去頃之復來攜食與之仲德食畢欲行會水潦暴至莫知所如有一白狼至前仰天而號號訖銜仲德衣因渡水仲德隨之獲濟與叡相及

又曰范蔚宗順陽人少好學博涉經史善爲文章能隸書曉音律年十七州辟主簿不就

梁書曰柳惔字文通河東解人也年十七齊武帝爲中軍命爲參軍

又曰陸倕字佐公十七舉本州秀才刺史竟陵王子良開西邸延英俊倕亦預焉

又曰張纘字伯緒年十七身長七尺四寸睂目疎朗神彩爽發高祖異之嘗曰張壯武云後八葉有逮我者其此子乎

又曰江革次子從簡少有文性年十七作采荷詞以刺何敬容



爲當時所賞

又曰吉翊字彥霄年十七應辟爲本州主簿出監萬年縣攝官  
朞月風化大行

又曰孫謙字長遜東莞莒人也年十七伯符爲豫州刺史引爲  
左軍行參軍以治幹稱

陳書曰邱寂之字德元吳興烏程人也年十七爲州西曹

又曰殷不害字長卿陳郡長平人也年十七仕梁爲廷尉平長  
於政事

南史曰聞人賈吳興人年十七結客報父仇爲高帝所賞

魏書曰任城王順爲鮮于康奴所害長子朗時年十七枕戈潛  
伏積年乃手刃康奴以首祭于順墓然後詣闕請罪朝廷嘉而  
不問



又曰韓茂字元興安定武安人也年十七膂力過人尤善騎射太宗曾親征丁零翟猛茂爲中軍執幢時有風諸軍旌旗皆偃仆茂於馬上持幢初不傾倒太宗異而問之徵茂所屬具以狀對太宗謂左右曰記之尋徵詣行在所試以騎射太宗深奇之以茂爲虎賁中郎將

又曰崔光字仁本本名孝伯清河鄆人也年十七隨父徙代家貧好學晝耕夜誦傭書以養父母

又曰夏侯道遷譙國人少有志操年十七父母爲結婚韋氏道遷云欲懷四方之志不願取婦家人咸謂戲言及至婚日求覓不知所在於後訪問乃云逃入益州

又曰徐遵明字子判華陰人也幼孤好學年十七隨鄉人毛靈和等詣山東求學至上黨乃師屯畱王聰受毛詩尚書禮記一



年便辭聰詣燕趙師事張吾貴吾貴門徒甚盛遵明伏膺數月乃私謂其友人曰張生名高而義無檢格凡所講說不愜吾心請更從師遂與平原田猛略就范陽孫買德受業

又曰董徵字文發頓邱衛國人也好古學尚雅素年十七師清河監伯陽受論語毛詩春秋周易就河內高望崇受周官

又曰竇瑗字世珍遼西遼陽人年十七便荷帙從師

北齊書曰斛律光字明月少工騎射以武藝知名魏末從金西征周文帝長史莫孝暉時在行間光馳馬射中之因擒於陣光時年十七高祖嘉之即擢爲都督

又曰崔季舒字叔正博陵安平人年十七爲州主簿爲大將軍趙郡公琛所器重言之于神武神武親簡丞郎補季舒大行臺都官郎中



周書曰晉公護字薩保太祖之兄邵惠公顥之少子也文帝入關以年小不從武泰初始自晉陽至平涼時年十七

又曰賀若敦代人也少有氣幹善騎射父統之謀執迅也慮事不果又以累弱既多難以自拔沈吟者久之敦時十七乃進策曰大人往事葛榮已爲將帥後入尔朱禮遇猶重韓陵之役屈節高歡既非故人又無功效今日委任無異於前者正以天下未定方藉英雄之力一旦清平豈有相容之理以敦愚計恐將來有危亡之憂願思全身遠害不得有所顧念也統乃流涕從之

又曰權景宣字暉遠天水顯親人也年十七魏行臺蕭寶寅見而奇之表爲輕車將軍

又曰唐瑾字附璘父永性溫恭有器量博涉經史雅好屬文身



長八尺二寸容貌甚偉年十七周文聞其名乃貽永書曰聞公有二子曰陵曰瑾陵從橫多武略瑾雍容富文雅可并遣入朝孤欲委以文武之任因召拜尚書員外郎

又曰劉璠字寶義年十七爲上黃侯蕭昱所器重

又曰李棠字長卿渤海蓆人也幼孤好學有志操年十七屬介朱之亂與高乾兄弟舉兵信都

隋書曰高頴字昭元一名敏自云渤海蓆人也少明敏有器局略涉書史尤善辭令年十七周齊王憲引爲記室

又曰陳政字宏道河南猗氏人也倜儻有文武大略善鍾律便弓馬少養宮中年十七爲太子千牛備身

又曰盧昌衡字子均父道虔魏尚書僕射昌衡小字龍子風神澹雅容止可法博涉經史工草行書從弟思道小字釋奴宗中



人壽金鑑卷九  
俱稱英妙故幽州爲之語曰盧家千里釋奴龍子年十七魏濟  
陰王元暉業召補太尉參軍事兼外兵參軍

又曰陸爽字開明年十七齊司州牧清河王岳召爲主簿擢殿  
中侍御史

又曰薛世雄字世英河東汾陰人年十七從周武帝平齊以功  
拜帥都督

又曰袁充字德符本陳郡陽夏人也其後寓居丹陽仕陳年十  
七爲祕書郎

又曰梁彥光字修芝魏大統末入太學略涉經史有規檢造次  
必以禮解褐祕書郎時年十七

又曰孫萬壽字仙期在齊年十七奉朝請

又曰何妥字棲鳳年十七以技巧事湘東王後知其聰明召爲



誦書左右時蘭陵蕭脊亦有雋才住青楊巷安住白楊頭時人爲之語曰世有兩雋白楊何安青楊蕭脊其見美如此

北史曰齊趙郡王叡天保二年出爲定州刺史六州大都督時年十七稱爲良牧

又曰嗣常山康王長子可悉陵年十七從太武獵逐一猛獸逐空手搏之以獻帝曰女才力絕人當爲國立功立事勿如此也即拜內行阿干

又曰房豹字仲幹體貌魁岸美音儀年十七州辟主簿

又曰薛端字仁直本名沙陁有志操年十七司空高乾邕辟爲參軍

又曰王勣字醜興性忠果有材幹年十七從周文帝入關及平秦隴定關中周文嘗謂曰爲將坐見成敗者上也被堅執銳者



次也勸曰意欲兼被之周文大笑尋拜散騎常侍賜爵梁甫縣公

又曰司馬楚之年十七逆父喪還丹陽會宋武誅夷司馬氏楚之乃逃匿諸沙門中濟江至汝潁間

又曰柳斌字伯達年十七齊公憲召爲記室

唐書曰江夏郡王道宗年十七從秦王討賊王登玉壁城以望謂道宗曰賊怙衆欲戰爾計謂何對曰武周席勝剡然鋒未可當正宜以計摧之且烏合之衆憚持久若堅壁以頓其銳須食盡氣老可不戰禽也王曰爾意與我合

又曰元結字次山少不羈十七乃折節向學事元德秀

舊五代史曰和凝字成績汶陽須昌人也年十七舉明經至京師忽夢人以五色筆一束以與之謂曰子有如此才何不舉進



士自是才思敏贍

宋史曰李繼宣開封浚儀人乾德中補右班殿直令與御帶更直裁十七歲命往陝州捕虎殺二十餘生致二虎一豹以獻

又曰杜漢徽有膂力善騎射年十七仕後唐武皇爲廳直隊長又曰錢易字希白年十七舉進士試崇政殿三篇曰未中而就言者惡其輕俊特罷之然自此以才藻知名太宗嘗與蘇易簡論唐世文人歎時無李白易簡曰今進士錢易爲歌詩殆不下白太宗驚喜曰誠然吾當自布衣召置翰林

又曰薛季宣字士龍年十七起從荆南帥辟書寫機宜文字獲事袁溉溉嘗從程頤學盡以其學授之季宣旣得溉學於古封建井田鄉遂司馬法之制靡不研究講畫皆可行於時

又曰王超子德用字元輔超爲懷州防禦使補衙內都指揮使



至道二年分五路出兵擊李繼遷超帥兵六萬出綏夏德用年  
十七爲先鋒將萬人戰鐵門關斬首十三級俘掠畜產以數萬  
計進師烏白池他將多失道不至虜銳甚超按兵不進德用請  
乘之得精兵五千轉戰三日敵勢却德用曰歸師迫險必亂乃  
領兵距夏州五十里絕其歸路下令曰亂行者斬一軍肅然超  
亦爲之按轡繼遷躡其後左右望見隊伍甚嚴整莫敢近超撫  
其背曰王氏有子矣累遷內殿崇班以御前忠佐爲馬軍都軍  
頭

又曰孫唐卿字希元青州人少有學行年十七以書謁韓琦琦  
甚器之

又曰李顯忠綏德軍青澗人也初名世輔南歸賜名顯忠年十  
七投效用隨父永奇出入行陣金人犯鄜延經略王庶命永奇



募間者得張琦更求一人顯忠請行永奇曰汝未涉歷行必累琦顯忠曰顯忠年小膽氣不小必不累琦當與琦俱有敵人夜宿陶穴顯忠絕穴中得十七人皆殺之取首二級馬二匹餘馬悉折其足庶大奇之補承信郎充隊將由是知名

又曰晁補之字无咎濟州鉅野人十七歲從父官杭州粹錢唐山川風物之麗者七述以謁州通判蘇軾軾先欲有所賦讀之歎曰吾可以閣筆矣

又曰張耒字文潛十七歲時作函關賦已傳人口游學於陳學官蘇轍愛之因得從軾遊軾亦深知之稱其文汪洋冲澹有一唱三歎之音

金史曰活女年十七從攻寧江州力戰創甚扶出陣間太祖憑高望見問之知是婁室子親撫慰賜藥歎曰此兒他日必爲名



將

又曰阿徒罕溫迪罕部人年十七從撒改幹帶等討平諸部皆身先力戰

又曰宗翰本名粘沒喝漢語訛爲粘罕國相撒改之長子也年十七軍中服其勇

又曰沃側年十七隸軍中從拔离速擊遼將馬五敗之

又曰斜卯阿里父渾坦穆宗時內附數有戰功阿里年十七從其伯父胡麻谷討詐都獲其弟沙里只高麗築九城於曷懶甸渾坦攻之遇敵於木里門甸力戰久之阿里挺槍馳刺其將於陣中敵遂潰渾坦與石適歡合兵於徒門水阿里首敗敵兵又曰昂本名奔睹景祖弟孛黑之孫斜幹之子年十七太祖伐遼謂之曰汝可擐甲從軍矣昂遂佩所賜金牌從軍



又曰紇石烈良弼本名婁室年十七補尚書省令史簿書過目輒得其隱奧雖有文牒口占立成詞理皆到時學希尹之業者稱爲第一

又曰王競字無競彰德人警敏好學年十七以蔭補官

元史曰鐵哥姓伽乃氏迦葉彌兒人迦葉彌兒者西域築乾國也鐵哥年十七詔擇貴家女妻之辭曰臣母漢人每欲求漢人女爲婦臣不敢傷母心乃爲娶冉氏女

又曰泰不華字兼善伯牙吾台氏初名達普化文宗賜以今名年十七江浙鄉試第一

又曰劉秉忠字仲晦十七爲邢臺節度使府令史

又曰楊恭懿字元甫奉元人力學強記日數千言雖從親逃亂未嘗廢業年十七西還家貧服勞爲養暇則就學書無不讀尤



深於易禮春秋後得朱熹集注四書歎曰人倫日用之常天道性命之妙皆萃此書矣

又曰張立道字顯卿其先陳畱人後徙大名父善登金進士第歲壬辰國兵下河南善以策干太弟拖雷命爲必闡赤立道年十七以父任備宿衛世祖即位立道從北征未嘗去左右

又曰秦起宗字元卿生長兵間學書無從得紙父順削桺爲簡寫以授之成誦削去更書年十七會立蒙古學學輒成辟武衛譯史御史中丞塔察兒愛其才遷中臺史

又曰宋衡字宏道潞州長子人金兵部員外郎元吉之孫衡善記誦年十七避地襄陽

又曰王都中字元俞福之福寧州人世祖授都中少中大夫平江路總管府治中時年甫十七僚吏見其年少頗易視之都中



遇事剖析動中肯綮皆聘貽不敢欺

明史曰王汝玉名璩以字行長洲人穎敏強記少從楊維禎學年十七舉於鄉

又曰王守仁字伯安年十七謁上饒婁諒與論朱子格物大指還家日端坐講讀五經不苟言笑

又曰于慎行字無垢東阿人年十七舉於鄉御史欲即鹿鳴宴冠之以未奉父母辭

通鑑曰雍州刺史海陵王休茂年十七司馬新野庾深之行府事休茂性急欲自專處決

處昌呂翻

深之及主帥每禁之

又曰忽必烈思年十七爲邢臺節度使府令史以養其親居常鬱鬱不樂一日投筆歎曰吾家累世衣冠乃汨沒爲刀筆吏乎丈夫不遇於世當隱居以求志耳即棄去隱武安山中



史通曰自漢中興以降迄乎皇家實錄年十有七而窺覽略周其所讀書多因假貨雖部帙殘闕篇第有遺至於敘事之紀綱立言之梗槩亦麤知之矣但於時將求仕進兼習揣摩至於專心諸史我則未暇

風俗通曰陳國公孫志節有蒼頭地餘年十七工部疏志節爲戶曹吏令地餘歸取物地餘馳車馬亡去至丹陽改姓王名斌字文高遂畱爲諸曹吏志節拜揚州刺史郡衣冠子弟皆出斌下乃用之斌乞屏左右叩頭涕泣曰斌即使君地餘也斌後爲蒼梧太守

朝野僉載曰甘子布年十七爲左衛長史

大唐新語曰張楚金年十七與兄越石同以茂才應舉所司以兄弟不可兩收將罷越石楚金辭曰以順則越石長以才則楚



金不如請某退時李績爲州牧歎曰貢才本求才行相推如此可雙舉也令兩上同越上京俱擢第

太平廣記曰王賈年十七詣京舉孝廉

又曰王仲宣年十七時過張仲景仲景謂之曰君體有病宜服五石湯若不治年及三十當眉落仲宣以其賒遠不治後至三十果覺眉落其精如此

又曰工部尚書裴佖先年十七爲太僕寺丞

澠水燕談錄曰夏文莊公竦初侍其父監通州狼山鹽場渡口詩曰渡口人稀黯翠煙登臨尤喜夕陽天殘雲右倚維揚樹遠水南回建業船山引亂猿啼古寺電驅甘雨過閒田季鷹死後無歸客江上鱸魚不值錢時年十七

又曰麻先生仲英年十七一試禮部歸以二親旣喪祿不及養



無復仕宦意退居臨淄辨七里別墅

會稽先賢傳曰淳于長通十七說宓氏易經貫洞內事萬言兼春秋鄉黨稱曰聖童

宣和書譜曰岑宗旦字子文開封人趣尚高遠不爲苟合取容于世年十七棄官遊東南山水間

不出戶庭錄曰趙子昂同李子構過海子飲于酒家有少姬勸飲子構詩云馳道塵香逐玉珂彤樓花暗鼓雲和光風漸綠瀛洲草細雨微生太液波月榭管弦鳴曙蚤水亭簾幕受寒多少年易動傷心感喚取青梅對酒歌子構名才京兆人年十七山谷先生年譜曰嘉祐六年辛丑先生年十七從舅氏李公擇學於淮南

魏廓園先生自譜曰萬曆十七年辛卯十七歲予從泰宇曹師



學夙仰曹師之規行矩步稱人師而曹師一見予文亦即視爲相長之友志氣鼓舞藻思溢發寂寥短章舂容大篇腕如其口口如其意一日三藝日中脫藁如探囊焉

李興故使持節侍中太傅鉅平成侯羊公碑曰公諱祐字叔子年十有七上計吏察孝廉州辟不肯就

李華唐贈太子少師崔公神道碑曰少師諱景暉年十七與親兄駿一舉明經

獨孤及唐故給事中贈吏部侍郎蕭公墓誌銘曰公諱直字正仲十七舉明經上第名冠太學

又唐故殿中侍御史贈考功郎中蕭府君文章集錄序曰侍御諱立南蘭陵人也年十七射策甲科盛名翕然震喧京邑

韓愈師說曰李氏子蟠年十七好古文六藝經傳皆通習之不



人言金鑑卷九  
拘于時學于余余嘉其能行古道作師說以贈之

黃滔潁川陳先生集序曰先生諱黯字希孺十七爲詞賦作蘇武謁漢武帝陵廟賦便爲作者推伏

六一題跋曰年十有七試於州爲有司所黜因取所藏舊本韓

氏之文復閱之則喟然一有而字歎曰學者當至於是而止爾因怪

時人之不道而顧已亦未暇學徒時時獨念于予心

東坡代張文定公作趙康靖公神道碑曰公諱槩字叔平年十七舉進士當時聞人劉筠戚綸黃宗旦皆稱其文詞必顯於時而其器識宏遠自以爲不及

東坡長短句滿庭芳敘曰余年十七始與劉仲達往來於眉山王奉常集曰世懋年甫十有七而見文先生先生謬謂奇穎而愛之因手寫楷書原道爲贈



唐詩傳曰李昭象懿宗末年以文干相國路巖巖問其年曰十有七矣巖年尚少尤器重之

元詩傳曰李徵士仲倫年十七追和李賀樂府嘗遊京師學士宋褰左丞危素輩見其所著四書新說引爲莫逆交

全唐詩話曰王維年十七時九日憶山東弟兄云獨在異鄉爲異客每逢佳節倍思親遙知兄弟登高處遍插茱萸少一人

彥周詩話曰僕年十七歲時先大夫爲江東漕李端叔高秀實皆父執也適在金陵二公遊蔣山僕雖年少數從杖履之後在定林說元微之詩引事當有出處屈曲隱奧高秀實皆能言之僕不覺自失因思古人讀書多出語皆有來處前輩亦讀書多能知之也

陸放翁長信宮詞曰憶年十七兮初入未央獲侍步輦兮恭承



寵光

又曰常憶初年十七時朝朝烏帽出從師

與許子威輩同從鮑季和先生晨興必具

帽帶而去

忽逢寒食停供課正寫簪書作贗碑

人壽金鑑卷第九



人壽金鑑卷第十

安東程得齡與九氏輯

十八歲

史記曰賈生名誼雒陽人也年十八以能誦詩屬書聞於郡中吳廷尉爲河南守聞其秀才召置門下甚幸愛

漢書曰霍去病大將軍青姊少兒子也其父霍仲孺先與少兒通生去病及衛皇后尊少兒更爲詹事陳掌妻去病以皇后姊子年十八爲侍中善騎射

又曰終軍字子雲濟南人也少好學以辨博能屬文聞於郡中

年十八選爲博士弟子至府受遣

師古曰博士弟子屬太常受遣者由郡遣詣京師太

守聞其有異才召見軍甚奇之與交結軍揖太守而去至長安上書言事武帝異其文拜軍爲謁者給事中



又曰陳萬年子咸字子康年十八以萬年任爲郎有異材抗直數言事刺譏近臣書數十上遷爲左曹

又曰蕭育與陳咸俱以公卿子顯名咸最先進年十八爲左曹又曰馮野王字君卿受業博士通詩少以父爲太子中庶子年十八上書願試守長安令宣帝奇其志問丞相魏相相以爲不可許後以功次補當陽長遷爲櫟陽令

又曰王莽居攝翟方進少子義心惡之乃謂姊子上蔡陳豐曰新都侯攝天子位號令天下故擇宗室幼稚者以爲孺子依託周公輔成王之義且以觀望必代漢家其漸可見方今宗室衰弱外無彊蕃天下傾首服從莫能亢扞國難吾幸得備宰相子身守大郡父子受漢厚恩義當爲國討賊以安社稷欲舉兵西誅不當攝者選宗室子孫輔而立之設令時命不成死國埋名



猶可以不慙於先帝今欲發之乃肯從我乎師古曰乃汝也豐年十八  
勇壯許諾

後漢書曰泗水王歆從父弟茂年十八漢兵之起茂自號劉先  
職亦聚眾京密間稱厭新將軍攻下潁川汝南眾十餘萬人光  
武既至河內茂率眾降封為中山王

又曰崔駰子瑗字子玉蚤孤銳志好學盡能傳其父業年十八  
至京師從侍中賈逵質正大義達善待之瑗因畱游學遂明天  
官歷數京房易傳六日七分諸儒宗之與扶風馬融南陽張衡  
特相友好

又曰郎顗上書薦黃瓊李固曰昔顏子十八天下歸仁子奇穉  
子化阿有聲子奇齊人年十八為阿邑宰出倉廩以賑貧乏邑內大化見說苑

又曰范冉冉或作丹字史雲陳畱外黃人也少為縣小吏年十八奉



檄迎督郵冉耽之乃遁去到南陽受業於樊英又遊三輔就馬融通經歷年乃還

又曰蘇不韋父謙初爲郡督郵時魏郡李嵩爲美陽令與中常侍具瑗交通貪暴爲民患前後監司畏其勢援莫敢糾問及謙至部案得其臧論輸左校謙累遷至金城太守去郡歸鄉里漢法免罷守令自非詔徵不得妄到京師而謙後私至洛陽時嵩爲司隸校尉收謙詰掠死獄中嵩又因刑其私以報昔怨不韋時年十八徵詣公車會謙見殺不韋載喪歸鄉里瘞而不葬仰天歎曰伍子胥獨何人也乃藏母於武都山中遂變名姓盡以家財募劍客邀嵩於諸陵間不尅

魏志曰王肅字子雍年十八從宋忠讀太元而更爲之解

又曰臧霸字宣高泰山華人也父戒爲縣獄掾據法不聽太守



欲所私殺太守大怒令收戒詣府時送者百餘人霸年十八將客數十人經於費西山中要奪之送者莫敢動因與父俱亡命東海由是以勇狀聞

又曰景初中下邳桓威年十八而著渾輿經依道以見意從齊國門下書佐司徒署吏

又曰滿寵字伯寧山陽昌邑人也年十八爲郡督郵時郡內李朔等各擁部曲害于平民太守使寵糾焉朔等請罪不復鈔略又注曰許劭字子將召陵謝子微高才遠識見劭年十八時乃歎息曰此則希世出衆之偉人也

又曰胡烈兒名淵字世元遵之孫也小字鷄鳴時年十八旣殺會救父名震遠近

又曰曹純字子和年十八爲黃門侍郎



蜀志注曰龐統字士元襄陽人德公從子也少未有識者惟德

公重之年十八使往見德操德操與語既而歎曰德公誠知人

此實盛德也

案襄陽耆舊傳云司馬德操與龐士元語自晝達夜曰德公誠知人者此南州士之冠冕

又曰劉巴字子初零陵烝陽人也年十八郡署戶曹史主記主簿劉先主欲遣周不疑就巴學巴答曰昔游荆北時涉師門記問之學不足紀名內無楊朱守靜之術外無墨翟務時之風猶天之南箕虛而不用賜書乃欲令賢甥摧鸞鳳之艷遊燕雀之宇將何以啟明之哉愧於有若無實若虛何以堪之

矣志曰陳武字子烈廬江人孫策在壽春武往修謁時年十八長七尺七寸因從渡江征討有功拜別部司馬

晉書曰齊獻王攸字大猷復歷散騎常侍步兵校尉時年十八

綏撫軍部甚有威惠



又曰魏詠之生而鳬缺有善相者謂之曰卿當富貴年十八聞  
荊州刺史殷仲堪帳下有名醫能療之貧無行裝謂家人曰殘  
醜如此用活何爲遂齎數斛米西上以投仲堪既至造門自通  
仲堪與語嘉其盛意召醫視之醫曰可割而補之但須百日進  
粥不得笑語詠之曰半生不語而有半生亦當療之况百日耶  
于是處之別屋令醫善療之詠之遂閉口不語唯食薄粥其勵  
志如此

又曰霍原字休明燕國廣陽人也少有志力叔父坐法當死原  
入獄訟之楚毒備加終免叔父年十八觀太學行禮因畱習之  
貴遊子弟聞而重之欲與相見以其名微不欲晝往乃夜共造  
焉

又曰王談吳興烏程人也年十歲父爲隣人竇度所殺談陰有



復讐志而懼爲度所疑寸刃不蓄日夜伺度未得至年十八乃  
密市利鍤陽若耕鉏者度常乘船出入經一橋下談伺度行還  
伏草中度旣過談於橋以鍤斬之應手而死旣而歸罪有司太  
守孔巖義其孝勇列上宥之

宋書曰蕭思話南蘭陵人年十八除琅邪王大司馬行參軍轉  
相國參軍

又自序曰林子字敬士田子弟也少有大度博覽衆書畱心文  
義從高祖剋京城進平都邑時年十八

齊書曰褚伯玉字元璩吳郡錢唐人年十八父爲之婚婦入前  
門伯玉從後門出遂往剡居瀑布山性耐寒暑時人比之王仲

都

梁書曰到洽字茂洽年十八爲南徐州迎西曹行事洽少知名



清警有才學士行謝朓文章盛於一時見洽深相賞好日引與  
談論每謂洽曰君非直名人乃亦兼資文武

又曰伏挺字士標齊末州舉秀才對策爲當時第一高祖義師  
至挺迎謁於新林高祖見之甚悅謂曰顏子引爲征東行參軍  
時年十八

陳書曰王沖字長深琅邪臨沂人也年十八起家梁祕書郎尋  
爲永嘉太守

又曰江總字總持年十八解褐宣惠武陵王府法曹參軍

又曰陸琛字潔玉宣毅臨川王長史邱公之子少警俊事後母  
以孝聞世祖爲會稽太守琛年十八上善政頌甚有辭采由是  
知名舉秀才起家爲衡陽王主簿

又曰王元規字正範少好學從吳興沈文阿受業十八通春秋



左氏孝經論語喪服

又曰岑之敬字思禮年十八預重雲殿法會時武帝親行香熟視之敬曰未幾見兮突而弁兮即日除太學限內博士

南史曰崔祖思字敬元清河東武城人少有志氣好讀書年十八爲都昌令隋青州刺史垣護之入堯廟廟有蘇侯神偶坐護之曰唐堯聖人而與蘇侯神共坐今欲正之何如祖思曰使君若清蕩此坐則是堯廟重去四凶由是諸雜神並除

又曰王儉字仲寶年十八解褐祕書郎太子舍人

又曰張緬字元長天監中出爲淮南太守時年十八武帝疑其年少未嫻吏事遣主書封取郡曹文案見其斷決允愜甚稱賞之

又曰徐勉字修仁年十八召爲國子生便下帷專學精力無怠



同時儕輩肅而敬之祭酒王儉每見常目送之曰此子非常器也

魏書曰韋肱字遵顯年十八辟州主簿時屬歲儉肱以家粟造粥以飼饑人所活甚衆

又曰胡叟字倫許至主人家賦韋杜二族一宿而成時年十有八矣其述前載無違舊美敘中世有協時事而未及鄙黷人皆奇其才畏其筆世猶傳誦之以爲笑狎

又曰張吾貴字吳子中山人少聰慧口辨年十八本郡舉爲太學博士

又曰孫惠蔚字叔炳年十八師董道季講易

又曰袁律修字叔德年十八領本州中正兼尚書度支郎中

又曰李謐字永和年十八詣學受業時博士即孔璠也覽始要



人言全錄卷一  
終論端究緒授者無不欣其言矣

北齊書曰封述字君義渤海蓆人也年十八爲濟州征東府鎧曹參軍

又曰楊愔字遵彥永安初還洛拜通直散騎侍郎時年十八周書曰楊忠宏農華陰人也小名奴奴美髭髯身長七尺八寸狀貌瓌偉武藝絕倫識量深沈有將帥之略年十八客遊泰山會梁兵攻郡陷之遂被執至江左

又曰柳檜字季華祕書監虬之次弟也性剛簡任氣少文善騎射果於決斷年十八起家奉朝請

隋書曰楊尚希宏農人周太祖嘗親臨釋奠尚希時年十八令講孝經詞旨可觀太祖奇之擢爲國子博士

又曰劉臻字宣摯沛國相人也年十八舉秀才爲邵陵王東閣



祭酒

又曰諸葛穎字漢丹陽建康人也年十八能屬文起家邵陵王參軍事

又曰長孫晟字季晟河南雒陽人年十八爲司衛上士初未知名人未之識也唯高祖一見深嗟異焉

又曰元宏嗣年十八爲左親衛

又曰宇文圻字仲樂年十八從周齊王憲討突厥有功拜儀同三司賜爵興固縣公

又曰房彥謙字孝冲年十八屬廣寧王孝珩爲齊州刺史辟爲主簿時禁網疏闊州郡之職尤多縱弛及彥謙在職清簡守法州境肅然莫不敬憚

北史曰雷紹字道宗年十八給事鎮府嘗使洛陽見京都禮義



人壽金鑑卷一  
之美還謂同僚曰徒知邊備尚武以圖富貴不謂文學身之寶也生世不學其猶穴處何所見焉遂逃歸辭母求師經年通孝經論語

又曰盧勇年十八幽州反者僕骨那以勇爲本郡范陽王  
又曰盧誕父叔仁年十八辟主簿舉秀才

又曰辛昂年十八侯景爲行台郎中景後來附昂遂入朝

又曰昂族人仲景年十八舉文學對策高第拜司空府主簿

舊唐書曰房元齡字喬齊州臨淄人年十八本州舉進士授羽  
騎尉吏部侍郎高孝基素稱知人見之深相嗟挹謂裴矩曰僕  
閱人多矣未有如此郎者必成偉器但恨不見其聳壑凌霄耳

案新唐書云齡年十八舉進士授羽騎尉校讐祕書省吏部侍郎高孝基知名人謂裴矩曰僕觀人多矣未有如此郎者當爲國器但恨不見其聳壑凌霄云



唐書曰漢王諒反遣將綦良攻黎州竇德明年十八募士五千號令嚴整倍道擊賊破之

又曰褚亮字希明杭州錢塘人年十八詣陳僕射徐陵陵與語異之後主召見使賦詩江總諸詞人在席皆服其工

又曰陳子昂字伯玉梓州射洪人十八未知書以富家子尚氣決弋博自如他日入鄉校感悔即痛修飾文明

又曰郭震字元振十八舉進士爲通泉尉任俠使氣撥去小節嘗盜鑄及掠賣部中口千餘以餉遺賓客百姓厭苦武后知所爲召欲詰既與語奇之索所爲文章上寶劍篇后覽嘉歎詔示學士李嶠等即授右武衛鎧曹參軍進奉宸監丞

又曰李晟字良器洮州臨潭人年十八往事河西王忠嗣從擊吐蕃悍酋乘城殺傷士甚衆忠嗣怒募射者晟挾一矢殪之三



人壽金鑑卷十  
軍謹奮忠嗣撫其背曰萬人敵也

又曰楊於陵字達夫十八擢進士調句容主簿節度使韓滉剛嚴少許可獨奇於陵謂妻柳曰吾求佳婿無如於陵賢因以妻之

又曰陸贄字敬輿蘇州嘉興人年十八第進士中博學宏辭調鄭尉罷歸壽州刺史張鎰有重名贄往見語三日奇之請爲忘年交旣行餉錢百萬請爲母夫人一日費贄不納止受茶一串曰敢不承公之賜

舊五代史曰李琪年十八袖賦一軸謁李谿谿覽賦驚異

又曰張朗徐州蕭縣人年十八善射膂力過人鄉里敬憚之

宋史曰許仲宣字希粲青州人漢乾祐中登進士第時年十八又曰范廷召冀州棗強人父鐸爲里中惡少年所害廷召年十



八手刃父讐剖取其心以祭父墓

又曰趙延進澶州頓邱人父暉周太子太師漢末暉領鳳翔節度未赴鎮王景崇據城反命暉爲都招討使擊之延進年十八屢當軍鋒景崇平延進奉捷奏以入授鳳翔牙內指揮使領貴州刺史

又曰王彬光州固始人年十八以賓貢入太學

又曰慎知禮衢州信安人父溫其有詞學仕錢俶終元帥府判官知禮幼好學年十八獻書于俶署校書郎未幾命爲掌書記又曰張去華字信臣開封襄邑人父誼字希賈拜左拾遺乾祐初拜中書舍人去華以蔭補太廟齋郎周世宗平淮南去華時年十八慨然歎曰兵戰未息民事不修非馭國持久之術因著南征賦治民論獻於行在召試授御史臺主簿



又曰張岳字子雲手殺僞首領奪其甲馬時年十八名動一軍  
又曰王巖叟字彥霖大名清平人十八鄉與省試廷對皆第一  
又曰姚雄字毅夫年十八即佐父征伐從討金湯以首騎先登  
奪隘又成荔原之功

又曰韓世忠字良臣延安人年十八以敢勇應募鄉州隸赤籍  
挽強馳射勇冠三軍

又曰孫道夫字太冲眉州丹稜人年十八貢辟雍

又曰汪應辰字聖錫紹興五年進士第一人年甫十八御策以  
吏道民力兵勢爲問應辰答以爲治之要以至誠爲本在人主  
反求而已上覽其對意其爲老成之士及唱第乃年少子引見  
者掖而前上甚異之鼎出班特謝舊進士第一人賜以御詩乃  
是特書中庸篇以賜初名洋與姓字若有語病特改賜應辰

案曾



敏行獨醒雜志云汪聖錫本名洋集英臚唱賜第御  
筆更名應辰或謂取王拱辰十八歲作大魁之義

又曰李庭芝字祥甫少穎異日能誦數千言而智識恆出長老  
之上王昷守隨庭芝年十八告其諸父曰王公貪而不恤下下  
多怨之隨必亂請徙家德安以避諸父勉強從之未浹旬昷果  
爲部曲挾之以叛隨民死者甚衆

又曰程頤字正叔年十八上書闕下欲天子黜世俗之論以王  
道爲心游太學見胡瑗問諸生以顏子所好何學頤因答曰學  
以至聖人之道也

又曰朱熹字元晦一字仲晦徽州婺源人年十八貢于鄉

又曰陳埴字蒙年十八上書萬言論國事吳子良奇之妻以女  
又曰蔡幼學字行之温州瑞安人年十八試禮部第一是時陳  
傅良有文名于太學幼學從之遊



又曰張珏字君玉年十八從軍釣魚山以戰功累官中軍都統制人號爲四川虓將

又曰馬知節字子元幼孤太宗時以蔭補供奉官賜今名年十八監彭城兵以嚴涖衆衆憚之如老將

東都事略曰石中立年十八獻文改光祿寺丞

又曰張載字子厚長安人也少時喜談兵年十八以書謁范仲淹仲淹曰儒者自有名教可學何事于兵因勸學中庸載感其言益窮六經至釋老書無不讀

遼史曰蕭酬幹年十八封蘭陵郡王

金史曰神土懋驃騎衛上將軍子璋本名胡麻愈多勇略通女直契丹漢字年十八左副元帥撒离喝引在麾下以事如京師見梁王宗弼與語宗弼悅之



又曰合住長子布輝識女直契丹漢字善騎射年十八宗弼選爲扎也從阿里蒲盧渾追宋康王于明州

又曰阿离合懣健捷善戰年十八臘醅麻產起兵據暮稜水烏春窩謀宰以姑里甸兵助之世祖擒臘醅暮稜水人尚反側不自安使阿离合懣往撫察之

又曰阿鄰年十八授定遠大將軍爲順天軍節度使

又曰丞相襄本名唃昭祖五世孫也年十八襲世爵

又曰蒲察胡盞案出澣水人年十八從軍

案金國語解姓氏蒲察曰李

又曰李復亨字仲修榮州河津人年十八登進士第復中書判

優等

元史曰塔思一名查刺溫幼與常兒異英才大略綽有祖風木華黎常曰成吾志必此兒也及長每語必先忠孝曰大丈夫受



天子厚恩當效死行陣間以圖報稱安能委靡苟且目前以隳先世勲業哉年十八襲爵遂至雲中

又曰沙全哈刺魯氏初名杪兒赤甫五歲爲宋軍所虜年十八畱劉整幕下宋人以其父名沙的使以沙爲姓而名曰全

又曰布魯海牙畏吾人也幼孤依舅氏家就學未幾即善其國書尤精騎射年十八隨其主內附充宿衛太祖西征布魯海牙扈從不避勞苦帝嘉其勤賜以羊馬氊帳

又曰岳柱字正所年十八從丞相荅失蠻備宿衛出入禁中如老成人

又曰張宏綱年十八父禧爲主將所誣繫獄將殺之宏綱直入獄中獄卒併繫之宏綱佯狂謔笑守者易之旣寢遂與其父逸去



又曰姚燧字端甫十八始受學於長安時未嘗爲文視流輩所作惟見其不如古人則心弗是也

又曰胡一桂字庭芳徽州婺源人年十八遂領鄉薦試禮部不第退而講學號雙湖先生

又曰陸文圭字子方江陰人年十八以春秋中鄉選

明史曰邢讓字遜之襄陵人年十八舉於鄉入國子監爲李時勉所器與劉珣齊名登正統十三年進士

又曰李東陽字賓之茶陵人天順八年年十八成進士選庶吉士授編修

又曰金鉉字伯玉武進人少有大志以聖賢自期許年十八舉鄉試第一明年崇禎改元成進士不習爲吏改揚州教授

又曰陳茂烈字時周莆田人年十八作省克錄謂顏之克已曾



之日省學之法也

又曰王慎中字道思晉江人十八舉嘉靖五年進士授戶部主事

又曰楊慎字用修十八從父廷和禮闈校士得崔銑卷以呈廷和錄爲經魁銑稱慎爲小座主

又曰王洪字希範十八成進士授吏科給事中

通鑑曰文欽子騫年十八勇力絕人

十六國春秋前燕錄曰成公都晉興元吳人也驍猛有勇力陽勇之戰年十八橫矛大呼賊不敢當獨步當時擬之方叔

說苑曰子奇年十八齊君任爲東阿旣行而君悔焉使人追之屬使者曰未至追令還已至勿追未至東阿使者反齊君問故使者曰臣見子奇同載者皆白首矣夫老者之智少者之決此



必能治東阿矣王曰善哉

新序曰齊有閭邱昂年十八道遮宣王曰家貧親老願得小仕  
宣王曰子年尚稚未可也昂對曰昔者顓頊行年十二而治天  
下秦項橐七歲爲聖人師由此觀之昂不肖耳年不稚矣

酉陽雜俎曰單雄信幼時學堂植一棗樹至年十八伐爲槍長  
丈七尺刃重七十斤號爲寒骨白

摭言曰張讀幼擅詞賦年十八及第

晁氏客話曰呂正叔十八歲已能看春秋人問之曰以經按傳  
之真僞以傳質經之是非

聞見前錄曰陳瓘年十八登進士甲科

耆舊續聞曰待制公

朱

十八歲時嘗作樂府云流水泠泠斷橋

斜路橫枝亞雪花飛下全勝江南畫白壁青錢欲買春無價歸



來也風吹平野一點香隨馬朱希真訪司農公載不值於几案見此詞歎賞不已遂書於扇而去初不知何人作也一日洪覺範見之扣其所從來朱具以告二人因同往謁司農公問之公亦愕然客退從容詢待制公公始不敢對旣而以實告司農公責之曰兒曹讀書正當留意經史間何用作此等語耶然其心實喜之以爲此兒他日必以文名於世

默記曰李師中誠之其父緯坐鎮戎軍退陣當斬誠之赴省試訟父之冤且乞斬韓魏公以其起陝西民兵乃應賊致敗是時誠之叔紘知開封府誠之方年十八歲一日紘坐廳視事見朝廷押上書人至階下視之乃其家六秀才也尋得釋是年遂登科

御史臺記曰唐辛郁管城人也舊名太公弱冠遭太宗於行所



問何人曰辛太公太宗曰何如舊太公郁曰舊太公八十始遇  
文王臣今適年十八已遇陛下過之遠矣太宗悅命值中書  
楚國先賢傳曰胡紹年十八見太守許荆蹠下而笑荆怒紹曰  
見明公蹠下有黑子紹亦有之故爾笑荆令紹學  
揮麈前錄曰李昌武宗諤之子昭邁十八歲鎖廳及第昭邁子  
杲卿杲卿子士廉皆不逾是歲登甲科凡三世俱曾爲探花郎  
亦衣冠之盛事也

江南餘載曰姚端年十八狀元及第

齊東野語曰汪端明年十八魁天下天資強敏記問絕人其帥  
福州吏聞其名欲嘗之始謁廟有嫗持牒立道左命取視之累  
千百言皆枝贅不根即好諭曰事不可行也嫗呼曰乞詳狀公  
笑曰爾謂吾不詳耶駐畢還其牒誦之不差一字吏民以爲神



相戒不敢犯

癸辛雜識曰秦九韶年十八在鄉里爲義兵首豪蕩不羈嘗隨其父守郡父方宴客忽有彈丸出父後衆賓駭愕莫知其由頃加物色九韶與一妓狎時亦抵筵此彈之所以來也

浩然齋雅談曰李仁甫十八歲爲眉州解魁

北行日譜曰初九日至吳橋謁范公景文識其西席李仲昌李

課其長君名元超年十八已廩

案北行日譜朱完夫先生爲周吏部蓼洲先生作

魏廓園先生自譜曰萬厯二十年壬辰十八歲予赴童子試縣

府俱有名

薛收隋故徵君文中子碣銘曰十八舉本州秀才射策高第

盧藏用太子少傅蘇瓌神道碑曰公諱瓌字昌容年十八進士

高第補寧州參軍



顏真卿有唐茅山元靖先生廣陵李君碑銘曰先生姓李氏諱含光年十八志求道妙遂師事同邑李先生

司馬文正公劉道原十國紀年序曰皇祐初光爲貢院屬官時有詔士能講解經義者聽別奏名應詔者數十人趙周翰爲侍講知貢舉問以春秋禮記大義其中一人所對最精詳先具注疏次引先儒異說末以己意論而斷之凡二十問所對皆然主司驚異擢爲第一及發糊名乃進士劉恕年十八矣

李維楨醞檀集序曰數歲前犁邱邢仲子示余以蕭公黼緣遠樓賦鉅麗妍藻類漢晉人手筆余不知爲何氏意必老於文學者已而知爲泰山人某年財十有八耳心竊異之

蔡襄郭之美墓誌曰景祐元年年十八與其父同日登第仁宗臨軒愛其爽異



渭南集曰姚平仲字希晏世爲西郵大將年十八與夏人戰滅底河斬獲甚衆

中州集曰景譚字伯仁華陰人年十八有賦聲

又曰王元粹字子正初名元亮後止名粹平州人年十八作春日詩云春日何慘慘春雲何陰陰桃李都未花况乃餘寒侵久在城市居而無人見尋讀易了一編靜見天地心貧士寡徒侶古來非獨今

唐詩傳曰楊牢字松年宏農人父從田宏正死于趙軍牢走常山二千里號伏叛壘求屍歸葬銜哀雨雪時稱孝童年十八登大中二年進士第最有詩名

應亨贈四王冠詩曰濟濟四令弟妙年踐二九令月惟吉日成服加元首人咸飾其容鮮能離塵垢雖無兕觥爵杯醺傳旨酒



案詩序云永平四年外第王景系兄弟四人並冠故貽之

杜甫送李校書詩曰李舟名父子十八足賓客

### 十九歲

漢書曰東方朔上書曰臣朔十九學孫吳兵法戰陣之具鉦鼓之教亦誦二十二萬言

後漢書曰汝南袁著年十九見梁冀凶縱不勝其憤乃詣闕上書

又曰王允字子師太原祁人也年十九爲郡吏時小黃門晉陽趙津貪橫放恣爲一縣巨患允討捕殺之

又曰任延字長孫更始元年以延爲大司馬屬拜會稽都尉時年十九迎官驚其壯及到靜泊無爲唯先遣饋禮祠延陵季子吳志曰陳武子修有武風年十九權召見獎勵拜別部司馬授



兵五百人時諸新兵多有逃叛而修撫循得意不失一人權奇之拜爲校尉

又曰朱然嘗與權同書學結恩愛至權統事以然爲餘姚長時年十九

又曰劉繇字正禮東萊牟平人也年十九從父曄爲賊所劫質繇篡取以歸由是顯名

又注曰殷禮字德嗣弱不好弄潛識過人少爲郡吏年十九守吳縣丞孫權爲王召除郎中

晉書載記曰李壽字武考拜前將軍督巴西軍事遷征東將軍時年十九聘處士譙秀以爲賓客盡其讜言在巴西威惠甚著梁書曰何炯字士光年十九解褐揚州主簿舉秀才

陳書曰戚袞字公文吳郡鹽官人也年十九梁武帝敕策孔子



正言並周禮禮記義袞對高第仍除揚州祭酒從事史

南史曰紀少瑜字幼瑒年十九始遊太學備探六經博士東海鮑敬雅相欽悅

魏書曰尉元字苟仁代人也年十九以善射稱神麇中爲虎賁中郎將轉羽林中郎小心恭肅以匪懈見知世祖嘉其寬雅有風貌

又曰孫惠蔚字叔炳十九師程元讀禮經及春秋三傳周流儒肆有名於冀方

北齊書曰潘樂字相貴寬厚有膽略初歸葛榮授京兆尹時年十九

又曰顏之推曾撰觀我生賦其詞曰未成冠而登仕財解履以

往軍

注時年十九釋褐湘東國右常侍以軍功加鎮西墨曹參軍



周書曰呂思禮東平壽張人也年十九舉秀才對策高第除相州功曹參軍

又曰姚僧垣次子最字士會幼而聰敏及長博通經史尤好著述年十九隨僧垣入關世宗盛聚學徒校書於麟趾殿最亦預爲學士

隋書曰柳機字匡時河東解人也機偉儀容有器局頗涉經史年十九周武帝時爲魯公引爲記室

北史曰陸乂字旦襲爵始平侯乂聰敏博學有文才年十九舉司州秀才

又曰檀翥字鳳翔年十九以名家子爲魏明帝挽郎

舊唐書曰楊於陵年十九登進士第

案新唐書楊於陵十八擢進士調句容主簿

唐書曰任瓌字瑋廬州合肥人年十九試守靈溪令遷衡州司



馬都督王勇盡以州務屬瓌

又曰盧祖尚字季良光州樂安人年十九善御衆所向有功盜畏不入境

舊五代史曰和凝字成績年十九登進士第滑帥賀瓌知其名辟賓幕下

宋史曰曹瑋父彬歷武寧太平軍節度使皆以瑋爲牙內都虞候補西頭供奉官閤門祇候沈勇有謀喜讀書通春秋三傳於左氏尤深李繼遷叛諸將數出無功太宗問彬誰可將者彬曰臣少子瑋可任即召見以本官同知渭州時年十九

又曰劉熙古字義滔十九通春秋子史避祖諱不舉進士

又曰寇準字平仲華州下邽人少英邁通春秋年十九舉進士太宗取人多臨軒顧問年少者往往罷去或教準增年答曰準



人壽金鑑卷一  
方進取可欺君耶後中第授大理評事知歸州

又曰王拱辰字君貺開封成平人元名拱壽年十九舉進士第一仁宗賜以今名

又曰王珪開封人也少拳勇善騎射能用鐵杵鐵鞭年十九隸親從官累遷殿前第一班押班

又曰蘇轍字子由年十九與兄軾同登進士科

又曰蘇過父軾知杭州過年十九以詩賦解兩浙路禮部試下

又曰陳良祐字天與婺州金華人年十九領鄉薦間歲入太學

又曰申積中成都人襁褓中楊繪從其父起求之爲子及長知

非楊氏而絕口不言年十九登進士第事所養父母盡孝終身

有二弟一妹爲畢婚娶始歸本族復爲申氏蜀人以純孝歸之

遼史曰蕭陽阿字稍隱端毅簡嚴識遼漢字通天文相法父卒



自五蕃部親挽喪車至奚王嶺人稱其孝年十九爲本班郎君  
歷鐵林鐵鷄大鷹三軍詳穩

金史曰高松本名檀朶澄州析木人年十九從軍爲蒲輦有力  
善戰宗弼聞其名召置左右從破汴京及和尚原

元史曰廉希憲字善甫布魯海牙子也世祖爲皇帝希憲年十  
九得入侍見其容止議論恩寵殊絕希憲篤好經史手不釋卷  
一日方讀孟子聞召急懷以進世祖問其說遂以性善義利仁  
暴之旨爲對世祖嘉之目曰廉孟子由是知名

又曰譚澄字彥清德興懷來人年十九有文谷水分溉交城田  
文陽郭帥專其利而堰之訟者累歲莫能直澄折以理令決水  
均其利於民

又曰宗杞大都人年十九父內宰卒擗踊號泣絕而復甦水漿



不入口者三日

又曰李鵬飛池州人生母姚氏爲嫡母不容改嫁爲朱氏妻鵬飛不知也年十九思慕哀痛誓學醫以濟人願蚤見母行求三年至蘄州羅田縣得焉

明史曰張祐字天祐廣州人年十九從總督潘蕃征南海寇裨元祖先登有功

又曰楊廷和字介夫新都人成化十四年年十九先其父成進士改庶吉士告歸娶

又曰馮琦字用韞臨朐人幼穎敏絕人年十九舉萬歷五年進士改庶吉士授編修

又曰余祐字子績鄱陽人年十九師事胡居仁居仁以女妻之又曰吳與弼字子傳崇仁人年十九見伊洛淵源圖慨然想慕



遂罷舉子業盡讀四子五經洛閩諸錄不下樓者數年

又曰邵寶字國賢無錫人年十九學於江浦莊景成化二十年舉進士

又曰王敬臣字以道長洲人年十九爲諸生受業於魏校性至孝父疽發背親自吮舐

又曰何瑋字粹夫年十九讀許衡薛瑄遺書輒欣然忘寢食

又曰常熟有桑悅者字民懌年十九舉成化元年鄉試試春官答策語不雅馴被斥得副榜

又曰王世貞字元美太倉人年十九舉嘉靖二十六年進士授刑部主事

唐闕史曰張讀一舉成事年十有九

太平廣記曰石長和年十九病月餘卒家貧未及殯殮經四月



而蘇說初死時閤上人曰君欲歸不長和對願歸乃敕主者以車騎兩吏送之

又曰蜀錦浦坊民李貞家養狗名黑兒貞因醉持斧擊殺之李貞臨老與鄰舍惡少白昌祚爭競昌祚承醉以斧擊貞死焉時昌祚年十九歲與殺狗年正同昌祚小字黑兒冤報顯然不差絲髮

又曰唐蕭穎士開元中年十九擢進士第

墨莊漫錄曰秦少游侍兒朝華姓邊氏京師人元祐癸酉歲少游納之嘗爲天風吹月入闌干之詩時朝華年十九也

獨醒雜志曰毛子仁博學能文年十九登進士

五總志曰黃機字濟川山谷老人猶子也年十九歲會山谷自涪歸寓荊州教以詩律濟川曰爲學當師古吾叔源流實自杜



陵即吾師也

歸潛志曰冀禹錫年十九擢大興魁入太學有聲

名山藏曰何景明年十九舉進士授中書舍人

陶華陽譜曰年十九蕭將軍錄尚書引爲諸王侍讀

萬柳溪邊舊話曰莊定公

諱煇

年十九登寧宗嘉定元年鄭自誠

榜進士

案毘陵志煇由迪功郎登進士

司馬文正公年譜曰十九歲天章公當任子次及公公推與二從兄然後受補郊社齋郎再奏將作監主簿

東坡年譜曰先生年十九始娶睂州青神王方女

紫陽年譜曰先生十九歲登進士

方正學先生年譜曰洪武八年乙卯先生年十九侍愚菴公考績入朝曹縣令程貢嘗以不職被笞至是誣上封事詔下獄先



生上書政府願以身爲軍贖父罪不報

薛收隋故徵君文中子碣銘曰十九除蜀州司戶辭不就

張說大周故宣威將軍楊君碑曰公諱令一字令一年十九舉進士高第授潞州參軍

李商隱請盧尚書撰曾祖誌文狀曰安陽君諱某字叔洪年十九一舉中進士第與彭城劉長卿中山劉沓虛清河張楚金齊名

蘇穎濱上樞密韓太尉書曰轍生十有九年矣其居家所與游者不過其鄰里鄉黨之人所見不過數百里之間無高山大野可登覽以自廣百氏之書雖無所不讀然皆古人之陳迹不足以激發其志氣恐遂汨沒故決然捨去求天下奇聞壯觀以知天地之廣大



放翁集曰紹興癸亥予以進士來臨安年十九  
杜甫送李校書詩曰十九授校書

人壽金鑑卷第十



人壽金鑑卷十

林氏父子對書曰十八

人壽金鑑卷十







